

劉賓客外集卷第一

據字一校字本行格四三系
前百後十十系字起有目
錄後誌文前

正議大夫檢校禮部尚書兼太子賓客贈兵部尚書



詩

翰林白二十二學士見寄詩一百篇因以答
吟君遺我百篇詩使我獨坐形神馳玉琴清夜人不語
琪樹春朝風正吹郢人斤斲無痕跡仙人衣裳棄刀尺
世人方內欲相尋行盡四維無處覓

始至雲安寄兵部韓侍郎中書白舍人二公近
曾遠守故有屬焉

天外巴子國山頭白帝城波清蜀村盡雲散荒臺傾迅
瀨下哮吼兩岸勢爭衡陰風鬼神過暴雨蛟龍生硤斷

見孤邑江流照飛甍蠻軍擊嚴鼓笮馬引雙旌望闕遙
拜舞分庭備將迎銅符一以合文墨紛來縈暮色四山
起愁猿數處聲重關羣吏散靜室寒燈明故人青霞意
飛舞集蓬瀛昔曾在池籞應知魚鳥情

白舍人自杭州寄新詩有柳色春藏蘇小家之
句因而戲酬兼寄浙東元相公

錢塘山水有奇聲守謫仙官有百城女妓還聞名小小
使君誰許喚卿卿鼉驚震海風雷起蜃鬪噓天樓閣成
莫道騷人在三楚文星今向斗牛明

春日書懷寄東洛白二十二楊八二庶子

曾向空門學坐禪如今萬事盡忘筌眼前名利同春夢

結廬朱氏贍餘叢書

醉裏風情敵少年野草芳菲紅錦地游絲撩亂碧羅天
心知洛下閑才子不作詩魔卽酒顛

白舍人見酬拙詩因以寄謝

雖陪三品散班中資歷從來事不同名姓也曾鐫石柱
詩篇未得上屏風甘陵舊黨鵬零盡魏闕新知禮數崇
煙水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司二八城門開道路
五千兵馬引旌旗水通山寺笙歌去騎過虹橋劔戟隨
若其吳王鬪百草不如應是欠西施

蘇州白舍人寄新詩有歎早白無兒之句因以

贈之

莫嗟華髮與無兒，卻是人間久遠期。雪裏高山頭白早，海中仙果子生遲。于公必有高門慶，謝守何煩曉鏡悲。幸免如新分非淺，祝君長詠夢熊詩。高山本高于門使之高，二義有殊古之詩流曉此

和汴州令狐相公到鎮改月偶書所懷二十二

韻

受賑新梁苑，和羹舊傅巖。援毫動星宿，垂釣取龍鈇。赫奕三川至，歡呼百姓瞻。綠油貔虎擁，青紙鳳凰銜。外壘曾無警，中廚亦罷監。推誠人自服，去殺令逾嚴。赳赳容皆飾，幡幡口盡鉗。為兄憐庾翼，選壻得蕭咸。鬱屈咽喉

結廬宋氏贖餘叢書

地駢闐，水陸兼渡橋。鳴紉幟入肆，颺雲帆端月。當中氣東風，應遠占管絃。喧夜景燈燭，掩寒蟾。酒每傾三雅書，能發百函詞。人羞布鼓，遠客獻貂襜。歌榭白團扇，舞筵金縷衫。旌旗遙一簇，烏履近相攙。花樹當朱閣，晴河逼翠簾。夜風飄綬，燄淚滴巉巖。玉罽虛頻易，金爐暖重添。映鏡窺豔豔，隔袖見纖纖。謝傅何由接，桓伊定不凡。應憐郡齋老，旦夕鐻霜髯。

白太守行

聞有白太守，棄官歸舊谿。蘇州十萬戶，盡作嬰兒啼。太守駐行舟，閭門草萋萋。揮袂謝啼者，依然兩眉低。朱戶非不崇，我心如重狴。華池非不清，意在寥廓棲。夸者竊

所怪賢者默思齊我為太守行題在隱起珪

酬樂天揚州初逢席上見贈

巴山楚水淒涼地二十三年棄置身懷舊空吟聞笛賦
到鄉翻似爛柯人沈舟側畔千帆過病樹前頭萬木春
今日聽君歌一曲慙慙盃酒長精神

同樂天登棲靈寺塔

步步相攜不覺難九層雲外倚欄杆忽然語笑半天上
無限遊人舉眼看

罷郡歸洛途次山陽留辭郭中丞使君

自到山陽不許辭高齋日夜有佳期管絃正合看書院
語笑方酬各詠詩銀漢雪晴褰翠幕清淮月影落金卮

結廬朱氏賸餘叢書

洛陽歸客明朝去容趁城東花發時

楚州開元寺北院枸杞臨井繁茂可觀羣賢賦

詩因以繼和

僧房藥樹依寒井井有香泉樹有靈翠黛葉生籠石磴
殷紅子熟照銅瓶枝繁本是仙人杖根老新成瑞木形
上品功能甘露味遠知一勺可延齡

和樂天鸚鵡

養來鸚鵡背初紅宜在朱樓繡戶中頻學喚人緣性慧
偏能識主為情通斂毛睡足難銷日彈翅愁時願見風
誰遣聰明好顏色事須安置入深籠

歲杪將發楚州呈樂天

楚澤雪初霽楚城春欲歸清淮變寒色遠樹含晴暉原野已多思風霜潛滅威與君同旅鴈北向刷毛衣

洛中逢白監同話遊梁之樂因寄宣武令狐相

公

曾經謝病各遊梁今日相逢憶孝王少有一身兼將相更能四面占文章開顏座內催飛蓋迴首庭中看舞槍借問風前兼月下不知何客對胡牀

河南王少尹宅宴張常侍白舍人兼呈盧郎中

李員外二副使

將星夜落使星來三省清臣到外臺事重各銜天子詔禮成同把故人盃捲簾松竹雪初霽滿院池塘春欲迴

結一盞朱氏履餘警言

第一林亭迎好客殷勤莫惜玉山頽

鶴歎二首 并序

友人白樂天去年罷吳郡挈雙鶴雛以歸予相遇於揚子津閑翫終日翔舞調態一符相書信華亭之尤物也今年春樂天爲祕書監不以鶴隨置之洛陽第一旦也入門問訊其家人鶴軒然來睨如記相識徘徊俛仰似含情顧慕填膺而不能言者因作鶴歎以贈樂天

寂寞一雙鶴主人在西京故巢吳苑樹深院洛陽城徐引竹閒步遠含雲外情誰憐好風月鄰舍夜吹笙

東鄰即王家

丹頂宜承日霜翎不染泥愛池能久立看月未成棲

院春草長三山歸路迷主人朝謁早貪養汝南雞

有所嗟 二首

庾令樓中初見時武昌春柳鬪腰肢相逢相笑盡如夢
為雨為雲今不知

鄂渚濛濛煙雨微女郎魂逐暮雲歸只應長在漢陽渡
化作鴛鴦一隻飛

答樂天臨都驛見贈 六言

北固山邊波浪東都城裏風塵世事不同心事新人何
似故人

再贈樂天 六言

一政政官軋軋一年年老駸駸身外名何足算別來詩

結廬宋氏贖餘叢書

且同吟

和裴相公傍水閑行

為愛逍遙第一篇時時閑步賞風煙看花臨水心無事
功業成來二十年

和宣武令狐相公郡齋對新竹

新竹脩脩韻曉風隔窗依砌尙蒙籠數閒素壁初閑後
一段清光入座中欹枕閑看知自適合毫朗詠與誰同
此君若欲長相見政事堂東有舊叢

答白刑部聞新蟬

蟬聲未發前已自感流年一入淒涼耳如聞斷續絃晴
清依露葉晚急畏霞天何事秋卿詠逢時一悄然

和裴相公寄白侍郎求雙鶴

皎皎華亭鶴未隨太守船白君罷吳郡太守攜雙鶴青雲意長在滄海到經年留滯清洛苑徘徊明月天何如鳳池上雙舞入祥煙

和樂天送鶴上裴相公別鶴之作

昨日看成送鶴詩高籠提出白雲司朱門乍入應迷路玉樹容棲莫揀枝雙舞庭中花落處數聲池上月明時三山碧海不歸去且向人閒呈羽儀

終南秋雪

南嶺見秋雪千門坐早寒閑時駐馬望高處捲簾看霧散瓊枝出日斜鉛粉殘偏宜曲江上倒影入清瀾

結廬朱氏贖餘叢書

闕下待傳點呈諸同舍

禁漏晨鐘聲欲絕旌旗組綬影相交殿舍佳氣當龍首閣倚晴天見鳳巢山色蔥蘢丹檻外霞光泛濫翠松梢多慚再入金門籍不敢為文學解嘲

和樂天早塞

雨引苔侵壁風驅葉擁階久留閑客話宿請老僧齋酒甕新陳接書籤次第排翛然自有處搖落不傷懷

和樂天以鏡換酒

把取菱花百鍊鏡換他竹葉十分盃頰眉厭老終難去蘸甲須歡便到來妍醜太分迷忌諱松喬俱傲絕嫌猜校量功力相千萬好去從空白玉臺

同樂天送河南馮尹學士

可憐玉馬風流地，慙輟金貂侍從才。
閣上掩書劉向去，門前脩刺孔融來。
峭陵路靜寒無雨，洛水橋長晝起雷。
共羨府中棠棣好，先於城外百花開。

同白二十二贈王山人

愛名之世忘名客，多事之時無事身。
古來相傳見未久，未歲年雖變貌常新。
飛章上達三清路，受錄平交五嶽神。
笑聽鼕鼕朝暮鼓，只能催得市朝人。

題集賢閣

鳳池西畔圖書府，玉樹玲瓏景氣閑。
長聽餘風送天樂，時登高閣望人寰。
青山雲繞欄杆外，紫殿香來步武間。

結廬未民贖餘叢書

曾是先賢翔集地，每看壁記一慚顏。

杏園花下酬樂天見贈

二十餘年作逐臣，歸來還見曲江春。
遊人莫笑白頭醉，老醉花閒有幾人。

和令狐相公初歸京國賦詩言懷

凌雲羽翮揆天才，揚歷中樞與外臺。
相印昔辭東閣去，將星還拱北辰來。
殿庭捧日飄纓入，閣道看山曳履迴。
口不言功心自適，吟詩釀酒待花開。

曲江春望

鳳城煙雨歇，萬象含佳氣。
酒後人倒狂，花時天似醉。
三春車馬客，一代繁華地。
何事獨傷懷，少年曾得意。

和令狐相公春日尋花有懷白侍郎閣老

芳菲滿雍州鸞鳳許同遊花徑須深入時光不少留色
鮮由樹嫩枝亞為房稠靜對仍持酒高看特上樓晴宜
連夜賞雨便一年休共憶秋官處餘霞曲水頭

和樂天南園試小樂

閑步南園煙雨晴遙聞絲竹出牆聲欲拋丹筆三川去
先教清商一部成花木手栽偏有興歌詞自作別生情
多才遇景皆能詠當日人傳滿鳳城

和樂天春詞

新妝宜面下朱樓深鎖春光一院愁行到中庭數花朵
蜻蜓飛上玉搔頭

結廬宋氏贍餘叢書

和嚴給事聞唐昌觀玉蕊花下有遊仙二絕

玉女來看玉蕊花異香先引七香車攀枝弄雪時迴顧
驚怪人間日易斜

雪蕊瓊絲滿院春衣輕步步不生塵君平簾下徒相問
長伴吹簫別有人

歎水別白二十二

雜

水至清盡美從一勺至千里利人利物時行時止道性
淨皆然交情淡如此君遊金谷隄上我在石渠署裏兩
心相憶似流波潺湲日夜無窮已

答樂天戲贈

才子聲名白侍郎風流雖老尚難當詩情逸似陶彭澤

齋日多如周太常
矻矻將心求淨土
時時偷眼看春光
知君技癢思歡宴
欲倩天魔破道場

同樂天送令狐相公赴東都留守

自戶部尚書拜

尚書劔履出明光
居守旌旗赴洛陽
世上功名兼將相
人間聲價是文章
衙門曉闢分天仗
賓幕初開辟省郎
從發坡頭向東望
春風處處有甘棠

自華林至河南皆故治也

劉賓客外集卷第一

宋本十三卷

劉賓客外集卷第二

詩

同樂天和微之深春二十首

同用家花車斜四韻

何處深春好
春深萬乘家
宮門皆映柳
輦路盡穿花
池色連天漢
城形象帝車
旌旗暖風裏
獵獵向西斜

何處深春好
春深阿母家
瑤池長不夜
珠樹正開花
橋峻通星渚
樓暄近日車
層城十二闕
相對玉梯斜

何處深春好
春深執政家
恩光貪捧日
貴重不看花
玉饌堂交印
沙隄住礙車
多門一已閉
直道更無斜

何處深春好
春深大鎮家
前旌光照日
後騎贖成花
節院收衙隊
毬場簇看車
廣筵歌舞散
書號夕陽斜

結廬宋氏贖餘叢書

何處深春好春深貴戚家
慙嘶無價馬庭發有名花
欲進宮人食先熏命婦車
晚歸長帶酒冠蓋任傾斜
何處深春好春深恩澤家
爐添龍腦炷綬結虎頭花
賓客珠成履嬰孩錦縛車
畫堂簾幕外來去燕飛斜
何處深春好春深京兆家
人眉新柳葉馬色醉桃花
盜息無鳴鼓朝迴自走車
能令帝城外不敢徑由斜
何處深春好春深刺史家
夜闌猶命樂雨甚亦尋花
傲客多憑酒新姬若上車
公門吏散後風擺戟衣斜
何處深春好春深羽客家
芝田繞舍色杏樹滿山花
雲是淮王宅風爲列子車
古壇操簡處一徑入林斜
何處深春好春深小隱家
芟庭留野菜撼樹去狂花
醉

結廬宋氏贖餘叢書

酒一千日貯書三十車
推衾從露體不敢有餘斜
何處深春好春深富貴家
惟多貯金帛不擬負鶯花
國樂呼聯轡行廚載滿車
歸來看理曲燈下寶釵斜
何處深春好春深豪士家
多沽味濃酒貴買色深花
已臂鷹隨馬連催妓上車
城南躡青處村落逐原斜
何處深春好春深貴胄家
迎呼偏熟客揀選最多花
飲饌開華幄笙歌出鈿車
興酣樽易罄連瀉酒瓶斜
何處深春好春深唱第家
名傳一紙勝興管九衢花
薦聽諸侯樂來隨計吏車
杏園拋曲處揮袖向風斜
何處深春好春深少婦家
能偷新禁曲自翦入時花
追逐同遊伴平章貴價車
從來不墜馬故遣髻鬟斜

何處深春好春深幼女家雙鬢梳項髻兩面繡裙花妝
壞頻臨鏡身輕不占車鞦韆爭次第牽拽綵繩斜
何處深春好春深蘭若家當香收柏葉養蜜近梨花野
徑宜行藥遊人盡駐車菜園籬落短遙見桔槔斜
何處深春好春深老宿家小欄鬪蕙草高架引籐花四
字香書印三乘壁畫車遲迴聽句偈雙樹晚陰斜
何處深春好春深種蒔家分畦十字水接樹兩般花櫛
比栽籬槿啞啞轉井車可憐高處望基布不曾斜
何處深春好春深稚子家爭騎一竿竹偷折四鄰花笑
擊羊皮鼓行牽犢領車中庭貪夜戲不覺玉繩斜

刑部白侍郎謝病長告改賓客分司以詩贈別

結廬朱氏廢餘叢書

鼎食華軒到眼前拂衣高步豈徒然九霄路上辭朝客
四皓叢中作少年他日卧龍終得雨今朝放鶴且冲天
洛陽舊有衡茅在亦擬抽身伴地仙

遙和白賓客分司初到洛中戲呈馮尹

西辭望苑去東占洛陽才度嶺無歸思看山不懊來冥
鴻何所慕遼鶴乍飛回洗竹通新徑攜琴上舊臺塵埃
長者轍風月故人盃聞道龍門峻還因上客開

和留守令狐相公答白賓客

蛟龍和風吹樹枝商山逸客出關時身無拘束起長晚
路足交親行自遲官拂象筵終日待私將雞黍幾人期
君來不用飛書報萬戶先從紙貴知

始聞蟬有懷白賓客去歲白有聞蟬見寄詩云
祇應催我老兼遣報君知之句

蟬韻極清切始聞何處悲人含不平意景值欲秋時此
歲方晚晚誰家無別離君言催我老已是去年詩

憶樂天

尋常相見意殷勤別後思量夢更頻每遇登臨好風景
羨他天性少情人

樂天寄洛下新詩兼喜微之欲到因以杼懷也
松閒風未起萬葉不自吟池上月未來清輝同夕陰宮
徵不獨運塤篪自相尋一從別樂天詩思日已沈吟君
洛中作精絕百鍊金乃知孤鶴情月露爲知音微之從

結廬朱氏賸餘叢書

東來威鳳鳴歸林羨君先相見一豁平生心

月夜憶樂天兼寄微之

今宵帝城月一望雪相似遙想洛陽城清光正如此知
君當此夕亦望鏡湖水展轉相憶心月明千萬里

酬鄆州令狐相公官舍言懷見寄兼呈樂天

詞人各在一涯居聲味雖同跡自疏佳句傳因多好事
尺題稀爲不便書已通戎路逢黃石仍占文星耀碧虛
聞說朝天在來歲霸陵春色待來車

吟白樂天哭崔兒上篇愴然寄贈

吟君苦調我霑纓能使無情盡有情四望車中心未釋
千秋亭下賦初成庭梧已有鸞棲處池鶴今無子和聲

從此期君比瓊樹一枝吹折一枝生

答樂天所寄詠懷且釋其枯樹之歎

衙前有樂饌常精宅內連池酒任傾自是官高無狎客
不論年長少歡情驪龍領被探珠去老蚌胚拾還應月生
莫羨三春桃與李桂花成實結向秋榮

白侍郎大尹自河南寄示池北新葺水齋即事

招賓十四韻兼命同作

公府有高致新齋池上開再吟佳句後一似畫圖來結
構疏林下黃緣曲岸隈綠波穿戶曠碧甃疊瓊瓌幽異
當軒滿清光繞砌迴潭心澄晚鏡梁口起晴雷瑤草綠
隄種煙松上島栽遊魚驚撥刺浴鷺喜毳毼為客烹林

結廬朱氏贍餘叢書

筭因僧採石苔酒瓶常不罄書案任成堆簷外青雀舫
座中鸚鵡盃蒲根抽九節蓮萼捧重臺芳訊此時到勝
遊何日陪共譏吳太守自占洛陽才

赴蘇州酬別樂天

吳郡魚書下紫宸長安廢吏送朱輪二南風化承遺愛
八詠聲名躡後塵梁氏夫妻為寄客陸家兄弟是州民
江城春日追隨處共憶東歸舊主人

贈樂天

一別舊遊盡相逢俱涕零在人雖晚達於樹似冬青痛
飲連宵醉狂吟滿座聽終期拋印綬共占少微星

福先寺雪中酬別樂天

龍門賓客會龍宮東去旌旗駐上東二八笙歌雲幕下
三千世界雪花中離堂未暗排紅燭別曲含淒向曉風
才子從今一分散便將詩詠徇吳儂

醉答樂天

洛城洛城何日歸故人故人今轉稀莫嗟雪裏鬢時別
終擬雲間相逐飛

和樂天耳順吟兼寄敦詩

吟君新什慰蹉跎屈指同登耳順科鄧禹功成三紀事
孔融書就八年多已經將相誰能爾拋卻丞郎爭奈何
獨恨長洲數千里且隨魚鳥泛煙波

到郡未浹日登西樓見樂天題詩因即事以寄

結廬朱氏贍餘叢書

樂天自此郡
謝病西歸

湖上收宿雨城中無晝塵樓依新柳貴池帶亂苔春雲
水正一望簿書來繞身煙波洞庭路愧彼扁舟人

早夏郡中書事

水禽渡殘月飛雨灑高城華堂對嘉樹簾廡含曉清拂
鏡整危冠振衣步前楹將吏儼成列簿書紛來縈言下
辨曲直筆端破交爭虛懷詢病苦懷律操剽輕關吏告
無事歸來解簪纓高簾覆朱閣忽爾聞調笙

虎丘寺見元相公二年前題名愴然有詠

前年
滄橋

送之
武昌

滄水送君君不還見君題字虎丘山因知早貴兼才子

不得多時在世間

寄贈小樊

花面了頭十三四春來綽約向人時終須買取名春草
處處將行步步隨

憶春草

憶春草處處多情洛陽道金谷園中見日遲銅駝陌上
迎風早河南大尹頻出難只得池塘十步看府門閉後
滿街月幾處遊人草頭歇館娃宮外姑蘇臺鬱鬱芊芊
撥不開無風自偃君知否西子裙裾曾拂來

樂天寄憶舊遊因作報白君以答

報白君別來已度江南春江南春色何處好燕子雙飛

結廬朱氏贖餘叢書

故宮道春城三百七十橋夾岸朱樓隔柳條了頭小兒
蕩畫槳長袂女郎簪翠翹郡齋北軒卷羅幕碧池透池
繞畫閣池邊綠竹桃李花花下舞筵鋪彩霞吳娃足情
言語黠越客有酒巾冠斜座中皆言白太守不負風光
向盃酒酒酣擘牋飛逸韻至今傳在人人口報白君相
思空望嵩丘雲其奈錢塘蘇小小憶君淚點石榴裙白君

在城近自
洛歸錢塘

和白侍郎送令狐相公鎮太原

十萬天兵貂錦衣晉城風日斗生輝行臺僕射新恩重
從事中郎舊路歸疊鼓臧成汾水浪門旗驚斷塞鴻飛
邊庭自此無烽火擁節還來坐紫微

秋夕不寐寄樂天

洞戶夜簾卷華堂秋簟清螢飛過池影蛩思繞階聲老
枕知將雨高窗報欲明何人諳此景遠問白先生

冬日晨興寄樂天

庭樹曉禽動郡樓殘點聲燈挑紅燼落酒暖白光生髮
少嫌梳利顏衰恨鏡明獨吟誰應和須寄洛陽城

酬樂天見寄

元君後輩先零落崔相同年不少留華屋坐來能幾日
夜臺歸去便千秋背時猶自居三品三州吳得老終須

卜一止投老之日願若使吾徒還早達亦應簫鼓入松

楸

樂天為鄰

結廬朱氏贖餘叢書

答樂天見憶

與老無期約到來加等閑偏傷朋友盡移興子孫閒筆
底心無毒盃前膽不豨呼關反唯餘憶君夢飛過武牢關

和樂天誚失婢勝者

把鏡朝猶在添香夜不歸鴛鴦拂瓦去鸚鵡透籠飛不
逐張公子即隨劉武威新知正相樂從此脫青衣

樂天重寄和晚達冬青一篇因成再答

風雲變化饒年少光景蹉跎屬老夫秋隼自能凌汗漫
寒龜飲氣受泥塗東隅有失誰能免北叟之言豈便誣
振臂猶堪呼一擲爭知掌下不成盧

河南白尹有喜崔賓客歸洛兼見懷長句因而

繼和

幾年侍從作名臣，卻向青雲索得身。朝士忽爲方外士，主人仍是眼中人。雙鸞遊處天京好，五馬行時海嶠春。遙羨光陰不虛擲，肯令絲竹暫生塵。

和揚師皋給事傷小姬英英

見學胡琴見藝成，今朝追想幾傷情。撚絃花下呈新曲，放撥燈前謝改名。但是好花皆易落，從來尤物不長生。鸞臺夜直衣衾冷，雲雨無因入禁城。

和樂天洛下醉吟寄太原令狐相公兼見懷長

句

舊相臨戎非稱意，詞人作尹本多情。從容自使邊塵靜，

結廬朱氏贖餘叢書

談笑不聞桴鼓聲，章句新添塞下曲。風流舊占洛陽城，昨來亦有吳趨詠。唯寄東都與北京。

郡齋書懷寄河南白尹兼簡分司崔賓客

謾讀圖書二十車，年年爲郡老天涯。一生不得文章力，百口空爲飽暖家。綺季衣冠稱鬢面，吳公政事副詞華。還思謝病今歸去，同醉城東桃李花。

酬樂天七月一日夜卽事見寄

夜樹風韻清，天河雲彩輕。故花多露草，隔樹聞鶴鳴。搖落從此始，別離含遠情。聞君當是夕，倚瑟吟商聲。外物豈不足，中懷向誰傾。秋來念歸去，同聽嵩陽笙。

題丁家公主舊宅

樹滿荒臺葉滿池。簫聲一絕草蟲悲。鄰家猶學宮人髻。
圍客爭偷御果枝。馬埒蓬蒿藏狡兔。鳳棲煙雨嘯愁鴉。
何郎猶在無恩澤。不似當初傅粉時。

吟樂天自問愴然有作

親友關心皆不見。風光滿眼倍傷神。洛陽城裏多池館。
幾處花開有主人。

八月十五日夜半雲開然後翫月因詠一時之

景寄呈樂天

半夜碧雲收。中天素月流。開城邀好客。置酒賞新秋。
影透衣香潤。光凝歌黛愁。斜輝猶可翫。移宴上西樓。

秋日書懷寄白賓客

結廬宋氏牋餘叢書

州遠雄無益。年高健亦衰。興情逢酒在。筋力上樓知。
蟬噪芳意盡。雁來愁望時。商山紫芝客。應不向秋悲。

酬樂天見貽賀金紫之什

久學文章含白鳳。卻因政事賜金魚。郡人未識聞謠詠。
天子知名與詔書。珍重和詩呈錦繡。願言歸計並園廬。
舊來詞客多無位。金紫同遊誰得如。

酬樂天初冬早寒見寄

乍起衣猶冷。微吟帽半欹。霜凝南屋瓦。雞唱後園枝。
洛水碧雲曉。吳宮黃葉時。兩傳千里意。書札不如詩。

樂天見示傷微之敦詩晦叔三君子皆有深分
因成是詩以寄

吟君歎逝雙絕句使我傷懷奏短歌世上空驚故人少
集中惟覺祭文多芳林新葉催陳葉流水前波讓後波
萬古到今同此恨聞琴淚盡欲如何

春池泛舟聯句

鳳池新雨後池上好風光相錫上取酒愁春盡留賓喜
日長度送兵部柳絲迎畫舸水鏡瀉雕梁羣送賈長潭洞迷仙
府煙霞認醉鄉餽送張司業鶯聲隨笑語行色入壺觴籍送主客
晚景含澄澈時方得豔陽錫禹飛鳧拂輕浪綠柳暗迴塘
度逸韻追安石高居勝辟疆羣盃停新令舉詩動彩牋
忙餽顧謂同來客歡遊不可忘籍

杏園聯句

結廬采民贖餘叢書

杏園千樹欲隨風一醉同人此豈同羣上老態忽忘絲
管裏衰顏宜解酒孟中絳上白曲江日暮殘紅在翰苑
年深舊事空居易上二十四年流落者故人相引到花
叢錫禹

花下醉中聯句

其醉風光地花飛落酒盃絳送劉殘春猶可賞晚景莫
相催禹錫送白侍郎酒幸年年有花應歲歲開居易送兵且當
金韻擲莫遣玉山頽絳送庾高會彌堪惜良時不易陪
承宣送主客誰能拉花住爭得換春迴禹錫送吏部我輩尋常有
佳人早晚來嗣復送兵部寄言三相府欲散且徘徊居易時
會公同

宴興慶池亭送白二十二東歸聯句

東洛言歸去西園告別來白頭青眼客池上手中盃度
 離瑟殷勤奏仙舟委曲迴征輪今欲動賓閣為誰開禹錫
 坐弄琉璃水行登綠縵臺花低妝照影萍散酒吹醅居
 岸蔭新抽竹亭香欲變梅隨遊多笑傲遇勝且徘徊籍
 澄澈連天鏡潺湲出地雷林塘難共賞鞍馬莫相催度
 信及魚還樂機忘鳥不猜晚晴槐起露新暑石添苔禹錫
 擬作雲泥別尤思頃刻陪歌停珠貫斷飲罷玉峯頽居
 雖有逍遙志其如磊落才會當重用日此去肯悠哉籍
 西池送白二十二東歸兼寄令狐相公聯句
 促坐宴迴塘送君歸洛陽彼都留上宰為我說中腸度

經盧宋氏贖餘叢書

威鳳池邊別冥鴻天際翔披雲見居守望日拜封章禹錫
 春盡年華少舟通景氣長送行歡共惜寄遠意難忘籍
 東道瞻軒蓋西園醉羽觴謝公深眷眄商皓信輝光武行
 舊德推三友新篇代八行下

首夏猶清和聯句

記得謝家詩清和卽此時居餘花數種在密葉幾重垂華
 度芳謝人人惜陰成處處宜禹錫水萍爭點綴梁燕共追隨
 隨武亂蝶憐疏蕊殘鶯好枝草香殊未歇雲勢漸籍
 多奇居單服初甯體新篁已出籬度與春為別近覺日
 轉行遲禹錫繞樹風光少侵階苔蘚滋武行唯思奉歡樂長
 得在西池籍

薔薇花聯句

似錦如霞色連春接夏開禹錫波紅分影入風好帶香來
 度得地依東閣當階奉上台武行淺深皆有態次第暗相
 催禹錫滿地愁英落緣提惜棹迴度芳穠濡雨露明麗隔
 塵埃武行似著胭脂染如經巧婦裁居易奈花無別計只有
 酒殘盃籍

西池落泉聯句

東閣聽泉落能令野興多武行散時猶帶沫淙處即跳波
 度徧洗磷磷石還驚泛泛鵝籍色清塵不染光白月相
 和居易噴雪縈絲竹攢珠濺芰荷禹錫對吟時合響觸樹更
 搖柯籍照圃紅分藥侵階綠浸莎居易日斜車馬散餘韻

結廬宋氏贖餘叢書

逐鳴珂禹錫

和樂天柘枝

柘枝本出楚王家玉面添嬌舞態奢鬆鬢改梳鸞鳳髻
 新衫別織鬪雞紗鼓催殘拍腰身軟汗透羅衣雨點花
 畫筵曲罷辭歸去便隨王母上煙霞

和樂天題真娘墓

蒼荀林中黃土堆羅襦繡黛已成灰芳魂雖死人不怕
 蔓草逢春花自開幡蓋向風疑舞袖鏡燈臨曉似妝臺
 吳王嬌女墳相近一片行雲應往來

劉賓客外集卷第二

宋本十九卷

劉賓客外集卷第三

詩

客有話汴州新政書事寄令狐相公

天下咽喉今大甯軍城喜氣徹青冥庭前劔戟朝迎日
筆底文章夜應星三省壁中題姓字萬人頭上見儀形
汴州忽復承平事正月看燈戶不扃

和令狐相公郡齋對紫薇花

明麗碧天霞丰茸紫綬花香聞荀令宅豔入孝王家幾
歲自榮落高情方歎嗟有人移上苑猶是占年華

令狐相公見示河中楊少尹贈答兼命繼聲

兩首新詩百字餘朱絃玉磬韻難如漢家丞相重徵後

結廬朱氏贍餘叢書

梁苑仁風一變初。四面諸侯瞻節制。八方通貨溢河渠。
自從鄴穀爲元帥。大將歸來盡把書。

和令狐相公謝太原李侍中寄蒲桃

珍果出西域。移根到北方。昔年隨漢使。今日寄梁王。
上相芳緘至。行臺綺席張。魚鱗含宿潤。馬乳帶殘霜。
染指鉛粉膩。滿喉甘露香。醞成十日酒。味敵五雲漿。
咀嚼停金盞。稱嗟響畫堂。慙非末至客。不得一枝嘗。

和令狐相公送趙常盈鍊師與中貴人同拜嶽
及天台投龍畢卻赴京師

銀璫謁者引霓旌。霞帔仙官到赤城。白鶴迎來天樂動。
金龍擲下海神驚。元君伏奏歸中禁。武帝親齋禮上清。

結廬朱氏贖餘叢書

何事夷門請詩送梁王。文字上聲名。

令狐相公俯贈篇章。斐然仰謝。

鄂渚臨流別。梁園衝雪來。旅愁隨凍釋。歡意待花開。
城曉烏頻起。池春雁欲迴。飲和心自醉。何必管絃催。

酬令狐相公贈別

越聲長苦有誰聞。老向湘山與楚雲。海嶠新辭永嘉守。
夷門重見信陵君。田園松菊今迷路。霄漢鴛鴻久絕羣。
幸遇甘泉尙詞賦。不知何客薦雄文。

酬令狐相公寄賀遷拜之什

邈迴二紀重爲郎。洛下遙分列宿光。不見當關呼早起。
曾無侍史與焚香。三花秀色通書幌。十字春波繞宅牆。

白首青衫誰比數相憐只是有梁王相公昔曾以大僚分司故有同病相憐之句

酬令狐相公早秋見寄

公來第四秋樂國號無愁軍士遊書肆商人占酒樓熊羆交黑稍賓客滿青油今日文章主梁王不姓劉

和令狐相公翫白菊

家家菊盡黃梁國獨如霜瑩靜真琪樹分明對玉堂仙人披雪鬢素女不紅妝粉蝶來難見麻衣拂更香向風搖羽扇含露滴瓊漿高豔遮銀井繁枝覆象牀桂叢慙並發梅蕊妒先芳一入瑤華詠從茲播樂章

夏日寄宣武令狐相公

結一廬朱氏贖餘叢書

長憶梁王逸興多西園花盡興如何近來溽暑侵亭館應覺清談勝綺羅境入篇章高韻發風穿號令眾心和承明欲謁先相報願拂朝衣逐曉珂

令狐相公見示贈竹二十韻仍命繼和

高人必愛竹寄興良有以峻節可臨戎虛心宜得士眾芳信妍媚威鳳難棲止遂於鞶鼓閒移植東南美封以梁國土澆之浚泉水得地色不移凌空勢方起新青排故葉餘粉籠疏理猶復隔牆藩何因出塵滓茲辰去前蔽永日勞瞪視槭槭林已成熒熒玉相似規摹起心匠洗滌在頤指曲直既瞭然孤高何卓爾垂梢覆內屏迸筍侵前屺妓席拂雲鬢賓階蔭珠履抱琴恣閒翫執卷

張外集三
堪斜倚露下懸明璫風來韻清徵堅貞貫四候標格殊
百卉歲晚當自知繁華豈云比古詩無贈竹高唱從此
始一聽清瑤音琤然長在耳

和令狐相公入潼關

寒光照旌節關路曉無塵吏謁前丞相山迎舊主人東
瞻軍府靜西望敕書頻心共黃河水同昇天漢津

和令狐相公尋白閣老見留小飲因贈

傲士更逢酒樂天仍對花文章管星麻情興占年華宦
達翻思退名高卻不誇唯存浩然氣相共賞煙霞

酬令狐相公雪中遊元都見憶

好雪動高情心期在玉京人披鶴氅出馬蹋象筵行照

結一廬朱氏贖餘叢書

耀樓臺變淋漓松桂清元都留五字使入步虛聲

和令狐相公以司空裴相公見招南亭看雪四
韻

重門不下關樞務有餘閒上客同看雪高亭盡見山瑞
呈霄漢外興入笑言閒知是平陽會人人帶酒還

和令狐相公別牡丹

平章宅裏一欄花臨到開時不在家莫道兩京非遠別
春明門外卽天涯

酬令狐留守巡內至集賢院見寄

仙院文房隔舊宮當時盛事盡成空墨池半在頽垣下
書帶猶生蔓草中巡內因經九重苑裁詩又繼二南風

爲兄手寫殷勤句徧歷三台各一通

和鄆州令狐相公春晚對花

朱門退公後高興對花枝望闕無窮思看書欲盡時含
芳朝競發疑豔晚相宜人意殷勤惜狂風豈得知

翻令狐相公春日言懷見寄

前陪看花處鄰里近王昌今想臨戎地旌旗出汶陽營
飛柳絮雪門耀戟枝霜東望清河水心隨鴈上郎

和令狐相公言懷寄河中楊少尹

章句慙非第一流世閒才子暗陪遊吳宮已歎芙蓉死

張司業詩云吳宮四面秋邊月空悲蘆管秋李尙任向

洛陽稱傲吏分司白苦教河上領諸侯天平石渠甘對

賓客

結廬朱氏贖餘叢書

圖書老關外楊公安穩不

遙和令狐相公座中聞思帝鄉有感

當初造曲者爲誰說得思鄉戀闕時滄海西頭舊丞相
停杯處分不須吹

翻令狐相公見寄

羣玉山頭住四年每聞笙鶴看諸仙何時得把浮邱袂
白日將昇第九天

途次大梁雪中奉天平令狐相公書問兼示新

什因思曩歲從此拜辭形於短篇以申仰謝

遠守宦情薄故人書信來共曾花下別今獨雪中迴紙
尾得新什眉頭還蹙開此時同雁鷺池上一徘徊

令狐相公自天平移鎮太原以詩申賀相公昔為并州

從事

北都留守將天兵出入香街宿禁局
鞞鼓夜聞驚朔雁
旌旗曉動拂參星
孔璋舊檄家家有
叔度新歌處處聽
夷落遙知真漢相
爭來屈膝看儀形

重酬前寄

邊烽寂寂盡收兵
宮樹蒼蒼靜掩扃
戎羯歸心如內地
天狼無角比凡星
新成麗句開緘後
便入清歌滿座聽
吳苑晉祠遙望處
可憐南北太相形

酬令狐相公秋懷見寄

寂寞蟬聲靜
差池燕羽迴
秋憐多越絕
朔氣想臺駘
相

結廬朱氏贖餘叢書

去數千里無因同一杯
殷勤望飛雁
新自塞垣來

酬令狐相公六言見寄

已嗟離別太遠
更被光陰苦催
吳苑燕辭人去
汾川雁帶書來
愁吟月落
猶望憶夢天明
未迴今日便令歌者
唱兄詩送一杯

令狐相公自太原累示新詩因以酬寄

飛蓬捲盡塞雲寒
戰馬閒嘶漢地寬
萬里胡天無警急
一籠烽火報平安
燈前妓樂留賓宴
雪後山河出獵看
珍重新詩遠相寄
風情不似舊登壇

酬太原令狐相公見寄

書信來天外
瓊瑤滿匣中
衣冠南渡遠
旌節北門雄
鶴

候華亭月馬嘶榆塞風山川幾千里唯有兩心同

酬令狐相公歲暮遠懷見寄 依韻

別侶孤鶴怨冲天威鳳歸容光一以閒夢想是耶非芳
訊還珍重知音老更稀不如湖上雁北向整毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中人斜
日漸移影落英紛委塵一吟相思曲惆悵江南春

酬令狐相公首夏閒居書懷見寄

蕙草芳未歇綠槐陰已成金罍唯獨酌瑤瑟有離聲翔
泳各殊勢篇章空寄情應憐三十載未變使君名 貞元中自

郎官出守至
今三十一年

結廬宋氏贖餘叢書

酬令狐相公庭中白菊花謝偶書所懷見寄

數叢如雪色一旦冒霜開寒蕊差池落清音斷續來思
深含別怨芳謝惜年催千里難同賞看看又早梅

酬令狐相公季冬南郊宿齋見寄

壇下雪初霽城南凍欲生齋心祠上帝高步領名卿沐
浴含芳澤周旋聽佩聲猶憐廣平宅寂寞竟何成

貞元中侍郎舅氏牧華州時子再忝科第前後

由華覲謁陪登伏毒寺屢焉亦曾賦詩題於梁
棟今典馮翊暇日登樓南望三峰浩然生思追

想昔年之事因成篇題舊寺

曾作關中客頻經伏毒巖晴煙沙苑樹晚日渭川帆昔

是青春貌今悲白雪髯郡樓空一望含意捲高簾

酬令狐相公杏園下飲有懷見寄

年年杏園望花發即經過未飲心先醉臨風思倍多三
春看又盡兩地欲如何日望長安道空成勞者歌

和令狐相公春早朝迴鹽鐵使院中作

柳動御溝清威遲隄上行城隅日未過山色雨初晴鶯
避傳呼起花臨府署明簿書盈几案要自有高情

令狐相公見示題洋州崔侍郎宅雙木瓜花頃

接待郎同舍陪宴樹下吟翫來什輒成和章

金牛蜀路遠玉樹帝城春榮耀生華館逢迎欠主人簾
前疑小雪牆外麗行塵來去皆迴首情深是德鄰

結一廬朱氏贍餘叢書

和令狐僕射相公題龍迴寺

茲地迴鑿日皇家禪聖時路無胡馬跡人識漢官儀天
子旌旗度法王龍象隨知懷去嗟歎經此益遲遲相公家本

咸陽有喬木之思

和令狐相公晚泛漢江書懷寄洋州崔侍郎闓

州高舍人二曹長

雨過遠山出江澄暮霞生因浮濟川舟遂作適野行郊
樹映緹騎水禽避紅旌田夫捐畚鍤織婦窺柴荆古岸
夏花發遙林晚蟬清沿洄方翫境鼓角已登城部內有
良牧望中寄深情臨觴念佳期泛瑟動離聲寂寞一病
田夙昔接羣英多謝謫仙侶幾時還玉京

酬令狐相公使宅別齋初栽桂樹見懷之作
清淮南岸家山樹黑水東邊第一栽影近畫梁迎曉日
香隨綠酒入金杯根留本土依江潤葉起寒稜映月開
早晚陰成比梧竹九霄還放綵鵬來

令狐相公頻示新什早春南望遐想漢中因杼
短章以寄情愫

軍城臨漢水旌旆起春風遠思見江草歸心看塞鴻野
花沿古道新葉映行宮唯有詩兼酒朝朝雨不同

酬令狐相公見寄

才兼文武播雄名遺愛芳塵滿洛城身在行臺為僕射
書來由里訪先生閒遊占得嵩山色醉臥高聽洛水聲

結二廬朱氏贍餘業書

千里相思難命駕七言詩裏寄深情

令狐相公春思見寄

一紙書封四句詩芳晨對酒遠相思長吟盡日西南望
猶及殘春花落時

令狐相公見示新栽蕙蘭二草之什兼命同作

上國庭前草移來漢水潯朱門雖易地玉樹有餘陰豔
彩凝還泛清香絕復尋光華童子佩柔輦美人心惜晚
含遠思賞幽空獨吟寄言知音者一奏風中琴

和令狐相公南齋小宴聽阮咸

陋巷久蕪沈四絃有遺音雅聲發蘭室遠思含竹林座
絕眾賓語庭移芳樹陰飛觴助真氣寂聽無流心影似

白團扇調諧朱絃琴一毫不平意幽怨古猶今

和令狐相公詠梔子花

蜀國花已盡越桃今正開色疑瓊樹倚香似玉京來且
賞同心處那憂別葉催佳人如擬詠何必待寒梅

酬令狐相公新蟬見寄

相去三千里聞蟬同此時清吟曉露葉愁噪夕陽枝忽
爾絃斷絕俄聞管參差洛橋碧雲晚西望佳人期

和令狐相公九日對黃白二菊花見懷

素萼迎寒秀金英帶露香繁華照旄鉞榮盛對銀黃琮
璧交輝映衣裳雜綵章晴雲遙蓋覆秋蝶近悠揚空想
逢九日何由陪一觴滿叢佳色在未肯委嚴霜

結廬朱氏勝餘叢書

城內花園頗曾遊翫令公居守亦有素期適春
霜一夕委謝書實以答令狐相公見謔

樓下芳園最占春年年結侶採花頻繁霜一夜相撩冶
不似佳人似老人

令狐僕射與予投分素深縱山川阻峭然音問
相繼今年十一月僕射疾不起聞予已承訃書
寢門長慟後日有使者兩輩持書并詩計其日
時已是臥疾手筆盈幅翰墨尙新新詞一篇音
韻彌切收淚握管以成報章雖廣陵之絃於今
絕矣而蓋泉之感猶庶聞焉焚之總帳之前附
於舊編之末

前日寢門慟至今悲有餘已嗟萬化盡方見八行書滿
紙傳相憶裁詩怨索居危絃音有絕哀玉韻猶虛忽歎
幽明異俄驚歲月除文章雖不朽精魄竟焉如零淚沾
青簡傷心見素車淒涼從此後無復望雙魚

劉賓客外集卷第三

宋本存十二卷

結廬朱氏贖餘叢書

劉賓客外集卷第四

詩

郡內書懷獻裴侍中留守

功成頻獻乞身章擺落襄陽鎮洛陽萬乘旌旗分一半
八方風雨會中央兵符今奉黃公略書殿曾隨翠鳳翔
心寄華亭一雙鶴日隨高步繞池塘

翻樂天閒臥見寄

散誕向陽眠將闌敵地仙詩情茶助爽藥力酒能宣風
碎竹閒日露明池底天同年未同隱緣欠買山錢

翻樂天小亭寒夜有懷

寒夜陰雲起疎林宿鳥驚斜風閃燈影近雪打窗聲竟

夕不能寐同年知此情漢皇無奈老何況本書生

奉和裴晉公涼風亭睡覺

驪龍睡後珠原在仙鶴行時步又輕方寸瑩然無一事
水聲來似玉琴聲

和樂天閒園獨賞八韻前以蜂鶴拙句寄呈今

辱蝸蟻妍詞見答因成小巧以取大哈

永日無人事芳園任興行陶廬樹可愛潘宅雨新晴傅
粉琅玕節熏香菡萏莖榴花裙色好桐子藥丸成柳蠹
枝偏亞桑闌葉再生睚盱欲鬪雀索漠不言鶯動植隨
四氣飛沈含五情搶榆與水擊小大強為名

翻樂天衫酒見寄

結一廬宋氏賸餘書

酒法眾傳吳米好舞衣偏向越羅輕動搖浮蟻香濃甚
裝束輕鴻意態生閱曲定知能自適舉杯應歎不同傾
終朝相憶終年別對景臨風無限情

兩何如詩謝裴令公贈別二首

一言一顧重重何如今日陪遊清洛苑昔年別入承明
廬

一東一西別別何如終期大冶再鎔鍊願託扶搖翔碧
虛

將之官畱辭裴令公畱守

祖帳臨伊水前旌指渭河風煙星數少雲雨別情多重
疊受恩久遄迴如命何東山與東閣終冀再經過

酬喜相遇同州與樂天替代

舊託松心契新交竹使符行年同甲子筋力羨丁夫別

後詩成快攜來酒滿壺今朝停五馬不獨為羅敷前章

春草白君之舞妓也故有此答

奉和裴令公新成綠野堂即事

藹藹鼎門外澄澄洛水灣堂皇臨綠野坐臥看青山位

極卻忘貴功成欲愛閒官名司管籥心術去機關禁苑

凌晨出園花及露攀池塘魚撥刺竹徑鳥絲蠻志在安

瀟灑嘗經歷險艱高情方造適眾意望徵還好客交珠

履華筵舞玉顏無因隨賀燕翔集畫梁閒

自左馮歸洛下酬樂天兼呈裴相公

結廬宋氏贖餘叢書

新恩通籍在龍樓分務神都近舊邱自有園公紫芝侶

時賓行四人盡在洛中仍追少傅赤松遊華林霜葉紅霞晚伊水

晴光碧玉秋更接東山文酒會始知江左未風流王儉云江

左風流宰相惟有謝公

秋齋獨坐寄樂天兼呈吳方之大夫

空齋寂寂不生塵藥物方書繞病身纖草數莖勝靜地

幽禽忽至似佳賓世閒憂喜雖無定釋氏銷磨盡有因

同向洛陽閒度日莫教風景屬他人

和樂天齋戒月滿夜對道場偶詠懷

常儵清淨去繁華人識王城長者家案上香煙鋪貝葉

佛前燈燄透蓮花持齋已滿招閒客理曲先聞命小娃

明日若過方丈室，還應問為法來耶。

吳方之見示獨酌小醉首篇，樂天續有酬答，皆含戲謔，極至風流兩篇之中，並蒙見屬，輒呈濫

吹益弄來章

閒門共寂任張羅，靜室同虛養太和。塵世歡虞關意少，醉鄉風景獨遊多。散金疎傳尋常樂，枕麴劉生取次歌。計會雪中爭挈榼，鹿裘鶴氅遞相過。

酬樂天齋滿日裴令公置宴席上戲贈

一月道場齋戒滿，今朝華幄管絃迎。銜杯本自多狂態，事佛無妨有佞名。酒力半酣愁已散，文鋒未鈍老猶爭。平陽不獨容賓醉，聽取諠呼吏舍聲。

結一廬朱氏贍餘叢書

酬樂天偶題酒甕見寄

從君勇斷拋名後，世路榮枯見幾回。門外紅塵人自走，甕頭清酒我初開。三冬學任胸中有，萬戶侯須骨上來。何幸相招同醉處，洛陽城裏好池臺。

答裴令公雪中訝白二十二與諸公不相訪之什

玉樹瓊樓滿眼新，的知開閣待諸賓。遲遲未去非無意，擬作梁園塵右人。

酬樂天請裴令公開春嘉宴

高名大位能兼有，恣意遨遊是特恩。二室煙霞成步障，三州風物是家園。晨窺苑樹韶光動，晚渡河橋春思繁。

絃管常調客常滿但逢花處即開樽

樂天示過敦詩舊宅有感一篇吟之泫然追想昔事因成繼和以寄苦懷

淒涼同到故人居門枕寒流古木疏向秀心中嗟棟宇蕭何身後散圖書本營歸計非無意唯算生涯尚有餘

忽憶前因更惆悵丁甯甯相約速懸車

敦詩與子友樂天三人同甲子平生

相約同休洛中

吳方之見示聽江西故吏朱幼恭歌三篇頗有懷故林之思吟諷不足因而和之

侯門故吏歌聲發逸處能高怨處低今歲洛中無雨雪眼前風景是江西

結廬朱氏贍餘叢書

閒坐憶樂天以詩問酒孰未

案頭開縹帙肘後檢青囊唯有達生理應無治老方減書存眼力省事養心王君酒何時熟相攜入醉鄉

和樂天洛城春齊梁體八韻

帝城宜春入遊人喜意長草生季倫谷花出莫愁坊斷雲發山色輕風漾水光樓前戲馬地樹下鬪雞場白頭自為侶綠酒亦滿觴潘園觀種植謝墅閱池塘至閒似隱逸過老不悲傷相問焉功德銀黃遊故鄉

三月三日與樂天及河南季尹奉陪裴令公泛洛禊飲各賦十二韻

洛下今修禊羣賢勝會稽盛筵陪玉鉉通籍盡金閨波

上神仙妓岸傍桃李蹊水嬉如鷺振歌響雜鶯啼歷覽
風光好沿洞意思迷棹歌能儷曲墨客競分題翠幄連
雲起香車向道齊人誇綾步障馬惜錦障泥塵暗宮牆
外霞明苑樹西舟形隨鷁轉橋影與虹低川色晴猶遠
烏聲暮欲棲唯餘蹋青伴待月魏王隄

寄和東川楊尚書兼寄西川繼之二公近
從弟兄情分偏睦早忝遊舊因成是詩

太華蓮峰降嶽靈兩川棠樹接郊坰政同兄弟人人曲
樂奏墳簾處處聽楊葉百穿榮會府芝泥五色耀天庭
各拋筆硯誇旄鉞莫遣文星讓將星

秋中暑退贈樂天

結二廬宋氏贍餘叢書

暑服宜秋著清琴入夜彈人情皆向菊風意欲摧蘭歲
稔貧心泰天涼病體安相逢取次第卻甚少年歡

和樂天洛下雪中宴集寄汴州李尚書

洛城無事足杯盤風雪相和歲欲闌樹上因依見寒鳥
座中收拾盡閒官笙歌要請頻何爽笑語忘機拙更歡
遙想兔園今日會瓊林滿眼映旂竿

喜遇劉二十八偶書兩韻聯句

病來佳興少老去舊遊稀笑語縱橫作杯觴絡繹飛
清談如水玉逸韻貫珠幾高位當金鉉虛懷似布衣
已容狂取樂仍任醉忘機捨眷將何適畱歡便是歸
鳳儀常欲附蚊力自知微願假樽罍末膺門自此依

劉二十八自汝赴左馬途經洛中相見聯句

不歸丹掖去銅竹漫云云唯喜因過我須知未賀君度

詩聞安石詠香見令公燾欲首函關路來披緱嶺雲居

貂蟬公獨步鴛鴦我同羣插羽先飛酒交鋒便戰文紳

鎮嵩知表德定鼎為銘勳顧鄙容商洛徵歡候汝墳錫

頻年多謔浪此夕任喧紛故態猶應在行期永要聞度

遊藩榮已久捧袂惜將分詎厭杯行疾唯愁日向曛居

窮陰初莽蒼離思漸氤氳殘雪午橋岸斜陽伊水濱紳

上謨尊右掖全略靜東軍萬頃徒稱量滄溟詎有垠錫

予自到洛中與樂天為文酒之會時時構詠樂

不可支則慨然其憶夢得而夢得亦分司至止

結一廬承氏賡餘叢書

歡慙可知因為聯句

成周文酒會吾友勝鄒枚唯憶劉夫子而今又到來度

欲迎先倒屣入座便傾杯飲許伯倫右詩推公幹才並

本事居久曾聆郢唱重喜上燕臺晝話牆陰轉宵歡斗

柄迴錫新聲還共聽故態復相哈遇物皆先賞從花半

未開度起時烏帽側散處玉山頽墨客喧東閣文星犯

上台居詠吟君稱首疏放我為魁憶戴何勞訪指夢得

詞而易鬢不用猜宴歸上老夫髮起樂度奉觴承麴藥落

筆捧瓊瑰醉弁無妨側詞鋒不可摧此兩韻美令水軒

看翡翠石徑踐莓苔童子能騎竹佳人解詠梅陪遊南

錫馬洛中三可矣鄴下七悠哉自向風光急不須絃管

催度樂觀魚踴躍閒愛鶴徘徊煙柳青凝黛波萍綠撥

醉居春榆初改火律管又飛灰紅藥多遲發碧松宜亂

栽馬嘶馳陌上鷓泛鳳城隈色色時堪惜些些病莫

推度涸流尋軋軋餘刃轉恢恢從此知心伏無因敢自

媒錫室隨親客入席許舊寮陪逸興嵇將阮交情陳與

雷此二句屬夢得也居洪鑪思哲匠大廈要羣材他日登龍路

應知免曝錫顯錫

洛中早春贈樂天

漠漠復靄靄半晴將半陰春來自何處無迹日以深韶
嫩冰後水輕盈煙際林藤生欲有託柳弱不自任花意
已含蓄鳥言尚沈吟期君當此時與我恣追尋翻愁爛

結一廬朱氏續餘叢書

漫後春暮卻傷心

和樂天宴李周美中丞宅池上賞櫻桃花

櫻桃千萬枝照耀如雪天王孫宴其下隔水疑神仙宿
露發清香初陽動暄妍妖姬滿髻插酒客折枝傳同此
賞芳月幾人有華筵杯行勿遽辭好醉過三年

和牛相公遊南莊醉後寓言戲贈樂天兼見示

城外園林初夏天就中野趣在西偏薔薇亂發多臨水
鷓鴣雙遊不避船水底遠山雲似雪橋邊平岸草如煙
白家唯有杯觴興欲把頭盤打少年

思黯南墅賞牡丹花

偶然相遇人閒世合在增城阿姥家有此傾城好顏色

天教晚發賽諸花

樂天少傅五月長齋廣延緇徒謝絕文友坐成
睽閒因以戲之

五月長齋戒深居絕送迎不離通德里便是法王城舉
目皆僧事全家少俗情精修無上道結念未來生賓閣
緇衣占書堂信鼓鳴戲童爲塔象啼鳥學經聲黍用青
菰角葵承玉露烹馬家供薏苡劉氏餉蕪菁暗網籠歌
扇流塵晦酒鑑不知何次道作佛幾時成

樂天池館夏景方妍白蓮初開綵舟空泊唯邀
緇侶因以戲之

池館今正好主人何寂然白蓮方出水碧樹未鳴蟬靜

結廬朱氏脰餘叢書

室宵聞磬齋廚晚絕煙番僧如其載應不是神仙

酬樂天晚夏閒居欲相訪先以詩見貽

池榭堪臨泛翛然散鬱陶步因驅鶴緩吟爲聽蟬高林
密添新竹枝低縋晚桃酒醅晴易熟藥圃夏頻薈老是
班行舊閒爲鄉里豪經過更何處風景屬吾曹

酬樂天感秋涼見寄

庭晚初辨色林秋微有聲槿衰猶強笑蓮迥卻多情簷
燕歸心動鵠鷹俊氣生閒人占閒景酒熟且同傾

樂天以愚相訪沽酒致歡因成七言聊以奉答
少年曾醉酒旗下同輩黃衣領亦黃蹴蹋青雲尋入仕
蕭條白髮且飛觴今徵古事歡生雅客喚閒人興任狂

猶勝獨居荒草院，蟬聲聽盡到寒蟬。

秋晚新晴夜月如練有懷樂天

雨歇晚霞明，風調夜景清。月高微暈散，雲薄細鱗生。露草百蟲思，秋林千葉聲。相望一步地，脈脈萬重情。

和思黯南莊見示

丞相新家伊水頭，智囊心匠日增修。化成池沼無痕迹，奔走清波不自由。臺上看山徐舉酒，潭中見月漫迴舟。從來天下推尤物，合屬人間第一流。

同留守王僕射各賦春中一物從一韻至七

鶯能語，多情春將半天欲明。始逢南陌，復集東城。林疏時見影，花密但聞聲。營中綠催短笛，樓上來定哀箏。干

結廬朱氏贖餘叢書

門萬戶垂楊裏，百轉如簧煙景晴。

和樂天春詞依憶江南曲拍爲句

春去也多謝，洛城人弱柳從風。疑舉袂叢蘭裏，露似霑巾。獨坐亦含頰。

謝樂天聞新蟬見贈

碧樹有蟬後，煙雲改容光。瑟然引秋氣，芳草日夜黃。夾道喧古槐，臨池思垂楊。離人下憶淚，忠士激剛腸。昔聞阻山川，今聽同匡牀。人情便所遇，音韻豈殊常。因之比笙竽，送我遊醉鄉。

新秋對月寄樂天

月露發光彩，此時方見秋。夜涼金氣應，天靜火星流。蛩

響偏依井螢飛直過樓相知盡白首清景復追遊

酬樂天小臺晚坐見憶

小臺堪遠望獨上清秋時有酒無人歡看山祇自知幽禽囀新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨灑高林梧葉先風落草蟲迎溼吟簟涼府恩薄室靜琴思深且喜炎前別安能懷月陰

和樂天秋涼閒臥

暑退人體輕雨餘天色改荷珠貫索斷竹粉殘妝在高僧掃室請逸客登樓待槐柳漸蕭疏開門少光彩

秋晚病中樂天以詩見問力疾奉酬

結廬宋氏贖餘書

耳虛多聽遠展轉晨雞鳴一室背燈臥中夜拂葉聲蘭芳經雨散鶴病得秋輕音蹋衡門草唯應是友生

和樂天燒藥不成命酒獨醉

九轉欲成就百神應主持嬰啼鼎上去老貌鏡前悲卻顧空丹竈迴心向酒卮醺然耳熱後暫似少年時

翻樂天詠老見示

人誰不顧老老去有誰憐身瘦帶頻減髮稀帽自偏廢書緣惜眼多灸為隨年經事還諸事閱人如閱川細思皆幸矣下此便翛然莫道桑榆晚為霞尚滿天

歲夜詠懷

彌年不得意新歲又如何念昔同遊者而今有幾多以

閒為自在將壽補蹉跎春色無情故幽居亦見過

元日樂天見過因舉酒為賀

漸入有年數喜逢新歲來震方天籟動寅位帝車迴門
巷埽殘雪林園驚早梅與君同甲子壽酒讓先杯

裴令公見示酬樂天寄奴買馬絕句斐然仰和

且戲樂天

常奴安得似方回爭望追風絕足來若把翠娥酬綠耳
始知天下有奇才

酬思黯代書見戲

官冷如漿病滿身凌寒不易過天津少年畱守多情興
請待花時作主人

結二廬朱氏贖餘叢書

酬思黯見示小飲四韻

拋卻人間第一官俗情驚怪我方安兵符相印無心戀
洛水嵩雲恣意看三足鼎中知味久百尋竿上擲身難
追呼故舊連宵飲直到天明興未闌

酬樂天醉後狂吟十韻

來章有移家
住醉鄉之句

散誕人間樂逍遙地上仙詩家登逸品釋氏悟真詮制
誥留臺閣歌詞入管絃處身於木雁任世變桑田吏隱
情兼遂儒禿道兩全八關齋適罷三雅興尤偏文墨中
年舊松筠晚歲堅魚書曾替代香火有因緣陸法和云
與梁元帝
於空王寺佛前
訂香火因緣欲向醉鄉去猶為色界牽好吹楊柳曲
為我舞金鈿

酬牛相公獨飲偶醉寓言見示

宮漏夜丁丁，千門閉霜月。華堂列紅燭，絲管靜中發。歌
眉低有思，舞體輕無骨。主人啟醜顏，酣暢淡肌髮。猶思
城外客，阡陌不可越。春意日夕深，此歡無斷絕。

和僕射牛相公春日閒坐見懷

官曹崇重難頻入，第宅清閒且獨行。階蟻相逢如偶語，
園蜂速去恐違程。人於紅藥唯看色，鶯到垂楊不惜聲。
東洛池臺怨拋擲，移文非久會應成。

牛相公見示新什謹依本韻次用以抒下情

劇韻新篇至，因難始有能。雨天龍變化，晴日鳳騫騰。遊
海驚何極，聞韶素不曾。慙心時拊髀，擊節自麾肱。符彩

結廬采氏賸餘叢書

添渝墨波瀾，起剡藤揀金光。熠熠累壁勢，層層珠媚多。
藏賈花撩欲，定僧封來真寶物。寄與愧文朋，已老無時
疾。時洛中時癘多傷少年長貧望歲登雀羅，秋寂寂蟲翅曉薨薨。
羸驥方辭絆，虛舟已絕綬。榮華甘死別，健羨亦生憎。玉
柱琤琮韻金觥，雹凸稜何時良宴會，促膝對華燈。

秋霖卽事聯句三十韻

蕭索窮秋月，蒼茫苦雨天。泄雲生棟上，行潦入庭前。居
送上苔色侵三徑，波聲想五絃。井蛙爭入戶，轍鮒亂歸
泉。起送大監高霽愁晨坐，空階驚夜眠。鶴鳴猶未已，蟻
穴亦頻遷。禹錫送少傅侍郎散漫疏還密，空濛斷又連。竹霑青
玉潤，荷滴白珠圓。居地溼灰蟻滅，池添水馬憐。有苗霑

霏霖無月弄潺湲起 籬菊潛開秀園蔬已罷鮮斷行隨
 雁翅孤嘯聳鳶肩禹 橋柱黏黃菌牆衣點綠錢草荒行
 藥路沙淀釣魚船居 長者車猶阻高人榻且懸此思劉
 也金烏何日見玉爵幾時傳起 近井桐先落當簷石欲
 穿趨風誠有戀披霧邈無緣禹 錫以謔廩米陳生醪庖
 薪溼起煙鳴雞潛報曉急景暗凋年居 蓋灑高松上絲
 繁細柳邊拂叢時起蝶墜葉乍驚蟬起 巾角皆爭墊裙
 裾別似滌人多蒙翠被馬盡著連乾禹 好客無來者貧
 家但悄然寒泥印鶴跡漏壁絡蝸涎居 蚊聚雷侵室鷗
 翻浪滿川上樓愁冪冪繞舍厭濺濺起 律候今秋矣歡
 娛久曠焉但今高興在晴後奉周旋禹

結一廬朱氏贖餘叢書

喜晴聯句

苦雨晴何喜喜於未雨時氣收雲物變聲樂鳥烏知居
送 射蕙泛光風圃蘭開皎月池千峰分遠近九陌好追
僕 隨起 尚書 白日開天路瓦陰卷地維餘清在林薄新照
 入漣漪禹 碧樹涼先落青蕪溼更滋曬毛經浴鶴曳尾
 出泥龜居 舞去商羊速飛來野馬遲柱邊無潤礎臺上
 有遊絲起 橋淨行塵息隄長禁柳垂宮城開睥睨觀闕
 麗采恩禹 洛水澄清鏡嵩煙展翠帷梁成虹乍見市散
蟻 初移居 藉草風猶暖攀條露已晞屋穿添碧瓦牆缺
 召金鎚起 迴澈來雙目昏煩去四支霞文晚煥爛星影
 夕參差禹 爽助門庭肅寒摧草木衰黃乾向陽菊紅洗

得霜梨易居假蓋閒誰惜彈絃燥更悲散蹄良馬穩炙背

野人宜起洞戶晨輝入空庭宿霧披推牀出書目傾筇

上衣櫬錫禹道路行非阻軒車望可期無辭訪圭竇且願

見瓊枝易居山閣蓬萊客古以祕書儲宮羽翼師此言每

憂陪麗句何暇覲英姿起以酬圭翫景方搔首懷人尙

斂眉因吟仲文什高興盡於斯錫禹

會昌春連宴卽事聯句

元年寒食日上巳暮春天雞黍三家會鶯花二節連易居

光風初淡蕩美景漸暄妍簪組蘭亭上車輿曲水邊錫禹

松聲添奏樂草色助鋪筵雀舫宜閒泛螺杯任漫傳起

園蔬香帶露池柳暗藏煙麗句輕珠玉清談勝管絃易居

結廬朱氏廢餘叢書

陌喧金距鬪樹動綵繩懸姹女妝梳豔遊童衣服鮮錫禹

圃香知種蕙池暖憶開蓮怪石雲疑觸天桃火欲然起

正歡唯恐散雖醉未思眠嘯傲人間世追隨地上仙易居

燕來雙涎涎雁去累翩翩行樂真吾事尋芳獨我先錫禹

滯周慙太史太史公留滯周南入洛繼先賢此言劉白

陸爭今榮承慙古人矣昔恨多分手今歡謬比肩起病猶陪宴飲老更奉

周旋望重青雲客情深白首年易居徧嘗珍饌後許入畫

堂前舞袖翻紅炬歌鬢插寶蟬錫禹斷金多感激倚玉貴

遷延說史吞顏注論詩笑鄭箋起松筠寒不變膠漆冷

彌堅與伴王尋戴謂隨僕射榮同隗在燕居易擲盧誇

使氣刻燭鬪成篇實藝皆三捷虛名愧六聯錫禹興闌猶

舉白話靜每思玄更說歸時好高亭月正圓起

僕射來示有三春向晚四者難并之說誠哉是
言輒引起題重為聯句疲兵再戰勅敵難降下
筆之時蹶然自哂走呈僕射兼簡尙書

三春今向晚四者昔難并借問低眉坐何如攜手行居

舊遊多過隙新宴且尋盟鸚鵡杯須樂麒麟閣未成起

分陰當愛惜遲景好逢迎林野薰風起樓臺穀雨晴禹

牆低山半出池廣水初平橋轉長虹曲舟迴小鷁輕居

殘花猶布繡密竹自聞笙欲過芳菲節難忘宴會情起

月輪行似箭時物勢如傾見雁隨兄去聽鶯求友聲禹

蕙長書帶展菰嫩剪刀生座密衣裳暖堂虛絲管清居

結廬朱氏贖餘叢書

峰巒侵碧落草木近朱明與點非沂水陪膺是洛城白

為三川守故云起撥醅爭綠醕臥酪待朱櫻幾處能留客何人

喚解醒禹舊儀尊右揆新命寵春卿有喜鵲頻語無機

鷗不驚居青林思小隱白雪仰芳名訪舊殊千里登高

賴九城起鄭侯司管鑰疏傅傲簪纓綸綍會同掌煙霄

卽上征禹冊庭嘗接武書殿忝連衡蘭室春彌馥松心

晚更貞居琴招翠羽下鈞掣紫鱗呈只願迴烏景誰能

避兕觥起方知醉兀兀應勝走營營鳳閣鸞臺路從他

年少爭居呈二公

樂天是月長齋鄙夫此時愁臥里閭非遠雲霧
難披因以寄懷遂為聯句所期解悶焉敢驚禪

五月長齋月得苦行心蘭蔥不入戶蒼荀自成林得
 護戒先辭酒嫌喧亦撒琴塵埃賓位靜香火道場深得
 我靜馴狂象吾餘施眾禽定知於佛佞豈復向書淫得
 欄藥凋紅豔庭槐換綠陰風光徒滿目雲霧未披襟得
 樹為清涼倚池因盥漱臨蘋芳遭燕拂蓮坼待蜂尋得
 舍下環流水窗中列遠岑苔斑錢剝落石怪玉嶽峯得
 鵲頂迎秋禿鶯喉入夏瘖柳絲垂色綫棘刺露長鍼得
 散秩身猶幸趨朝力不任官將才共拱年與病交侵得
 徇樂非時選忘機似陸沈鑿容稱四皓捫腹有三壬得
 攜手慙連璧同心許斷金紫芝雖繼唱前後各白雪少得
 知音樂憶罷吳門守相逢楚水潯舟中頻曲宴夜後各得

結廬朱氏贖餘叢書

加斟得濁酒銷殘漏絃聲閒遠砧醅顏舞長袖密坐接得
 華簪樂持論峰巒峻戰文矛戟森笑言誠莫逆造次必得
 相箴得往事應如昨餘歡迄至今迎君常倒屣訪我輒得
 攜衾樂陰魄初離畢將有陽光正在參五月待公休一得
 食縱飲共狂吟得

劉賓客外集卷第四

宋本二十三葉

劉賓客外集卷第五

雜詩

答張侍御賈喜再登科後自洛赴上都贈別
又被時人寫姓名春風引路入京城知君憶得前身事
分付鶯花與後生

和武中丞秋日寄懷簡諸寮故

退朝還公府騎吹息繁音吏散秋庭寂鳥啼煙樹深
威生奉白簡道勝外華簪風物清遠目功名懷寸陰
雲衢念前侶彩翰寫沖襟涼菊照幽院敗荷攢碧潯
感時江海思報國松筠心空愧壽陵步芳塵何處尋

赴連州途經洛陽諸公置酒相送張員外賈以

結廬朱氏贖餘叢書

詩見贈率爾酬之

謫在三湘最遠州邊鴻不到水南流如今慙寄樽前笑
明日辭君步步愁

贈元九侍御文石枕以詩獎之

文章似錦氣如虹宜薦華簪綠殿中縱使眞臙生旦夕
猶堪拂拭愈頭風

酬元九侍御贈璧州鞭長句

碧玉孤根生在林美人相贈比雙金初開郢客緘封後
想見巴山冰雪深多節本懷端直性露青猶有歲寒心
何時策馬同歸去關樹扶疏敲鐙吟

和李六侍御文宣王廟釋奠作

結廬宋氏贖餘叢書

歎息魯先師生逢周室卑有心律天道無位救陵夷
歷聘不能用頌徒空爾爲儒風正禮樂旅象入著龜西狩
非其應中都安足施世衰由我賤泣下爲人悲遺教光
文德興王叶夢期土田封後肩冕服飾虛儀鐘鼓膠庠
薦牲牢郡邑祠聞君喟然歎偏在上丁時

敬酬徹公見寄三首

淒涼沃州僧樵悴柴桑宰別來二十年唯餘兩心在
越江千里鏡越嶺四時雪中有逍遙人夜深觀水月

酬元九院長自江陵見寄

無事尋花至仙境等閒栽樹比封君金門通籍眞多士
黃紙除書每日聞

韓十八侍御見示岳陽樓別竇司直詩因令屬

和重以自述故足成六十二韻

楚江何蒼然，曾瀾七百里。孤城寄遠目，一寫無窮已。蕩
漾浮天蓋，迴環宣地理。積漲在三秋，混成非一水。冬遊
見清淺，春望多洲沚。雲錦遠沙明，風煙青草靡。火星忽
南見，月魄方東迤。雪波西山來，隱若長城起。獨專朝宗
路，駛悍不可止。支川讓其威，蓄縮至南委。熊武走蠻落，
熊武二溪名。瀟湘來奧鄙，炎蒸動泉源。積潦搜山趾，歸往無
旦夕。包含通遠邇，行當白露時。眇視秋光裏，曙色未昭
晰。露華遙斐亶，浩爾神骨清。如觀混元始，戕風忽震盪。
驚浪迷津涘，怒激鼓鏗訇。蹶成山歸峴，鴟鵬疑變化。罔

結廬宋氏賡餘叢書

象何恢詭，嘘吸寫樓臺。騰驤露鬣尾，景移羣動息。波靜
繁音弭，明月出中央。青天絕纖滓，素光淡無際。綠靜平
如砥，空影度鷓鴣。秋聲思蘆葦，鮫人弄機杼。貝闕駢紅
紫，珠蛤吐玲瓏。文鯨翔旖旎，水鄉吳蜀限。地勢東南庠，
翼軫粲垂精。衡巫屹環峙，名雄七澤藪。國辨三苗氏，唐
羿斷脩蛇。荆王壺下逆青兕秦狩跡，猶在虞巡路。從此
軒后奏宮商，騷人詠蘭芷。茅嶺潛相應，橘洲旁可指。郭
璞驗幽經，羅含著跡紀。觀津戚里族，按道侯家子。聯袂
登高樓，臨軒笑相視。假守亦高臥，竇時權領郡事墨曹正垂耳。
韓亦量移江陵法曹司契，闊話涼溫壺觴慰遷徙。地偏
山水秀，客重杯盤侈。紅袖花欲然，銀鐙晝相似。興酣更

抵掌樂極同啟齒筆鋒不能休藻思一何綺伊子負微
 尚夙昔慙知已出入金馬門交結青雲士襲芳踐蘭室
 學古遊槐市策慕宋前軍文師漢中壘陋容昧俯仰孤
 志無依倚衛足不如葵漏川空歎蟻幸逢萬物泰獨處
 窮途否鍛翮重疊傷兢魂再三禡遽瑗亦屢化左邱猶
 有恥桃源訪仙官薜服祠山鬼故人南臺舊公為御史
時與禹錫
同一別如弦駛今朝會荆蠻時禹錫出為連州途至荆
南改武陵司馬和韻於荆
 斗酒相燕喜為予出新什笑抃隨伸紙暱若觀五色歡
 然臻四美委曲風濤事分明窮達旨洪韻發華鍾淒音
 激清徵羊璿要平聲共和江淹多雜擬徒欲仰高山焉能
 追逸軌湘洲路四達巴陵城百雉何必顏光祿留詩張

結廬朱氏贖餘叢書

內史

酬竇員外使君寒食日途次松滋渡先寄示四
 韻

楚鄉寒食橘花時野渡臨風駐綵旗草色連雲人去住
 水紋如縠蕩差池朱輪尚憶羣飛雉青綬初懸左顧龜
 非是湓城魚司馬水曹何事與新詩許自水部
郎出牧

和竇中丞晚入容江作

漢郡三十六鬱林東南遙人倫選清臣天外頒詔條桂
 水步秋浪火山凌霧朝分圻辨風物入境聞謳謠莎岸
 見長亭煙林隔麗譙日落舟益駛川平旗自飄珠浦遠
 明滅金沙晴動搖一吟道中作離思懸層霄

呂八見寄郡內書懷因戲而和

文苑振金聲循良冠百城不知今史氏何處列君名

寄楊八拾遺時出為國子主簿分司東都王十員外亦轉國子博士同洛陽

聞君前日獨庭爭漢帝偏知白馬生忽領簿書遊太學

甯勞侍從厭承明洛陽本自宜才子海內而今有直聲

為謝同寮老博士范雲來歲即公卿

酬竇員外郡齋宴客偶命柘枝因見寄兼呈張

士院長元九侍郎員外郎兼節度判官佐平蠻之略張初罷都元方從事

分憂餘刃又從公白羽胡牀嘯詠中彩筆論戎矜倚馬

華堂留客看驚鴻渚宮油幕方高步豐灑浦甘棠有幾叢

若問騷人何處酌門臨寒水落江楓

結二盧朱氏贖餘叢書

酬竇員外旬休早涼見示奉書報官明朝有宴

新秋十日澣朱衣鈴閣無聲公吏歸風韻漸高梧葉動

露光初重槿花稀四時苒苒催容鬢三爵油油忘是非

更報明朝池上酌人知太守字玄暉

和楊侍郎憑見寄三首

翔鸞闕底謝皇恩纓上滄浪舊水痕疏傅揮金忽相憶

遠擎長句與招魂

十年毛羽摧頽一旦天書召迴看看花時欲到故侯也

好歸來

南海馬大夫見惠著述三通勒成四帙上自遂

古達於國朝采其菁華至簡如富欽受嘉祝詩

以謝之

紅旗閱五兵，絳帳領諸生。味道輕鼎食，退公猶筆耕。青箱傳學遠，金匱納書成。一瞬見前事，九流當抗行。編蒲曾苦思，垂竹愧無名。今日承訪訊，誰言贈袞榮。

南海馬大夫遠示著述兼酬拙詩輒著微誠再
有長句時蔡戎未弭故見於篇末

漢家旌旆付雄才，百越南溟統外臺。身在絳紗傳六藝，腰懸青綬亞三台。連天浪靜長鯨息，映日帆多寶舶來。聞道楚氛猶未滅，終須旌旆掃雲雷。

和楊侍郎初至郴州紀事書情題郡齋八韻

旌節下朝臺，分圭從北迴。城頭鶴立處，驛樹鳳棲來。

結二盧宋氏贖餘叢書

傳云後化為仙鶴止城東北隅樓上又州舊路芳塵在北樓鳳驛圖經云常有威鳳降於寒梧也新恩驛騎催，里閭風偃草。鼓舞抃成雷，吏散山禽囀。庭香夏蕊開，郡齋堪四望。壁記有三台，人訝徵黃晚。文非弔屈哀，一吟梁甫曲。知是臥龍才。

和郴州楊侍郎翫郡齋紫薇花十四韻

幾年丹霄上，出入金華省。斲別萬年枝，看花桂陽嶺。南方足奇樹，公府成佳境。綠陰交廣除，明豔透蕭屏。雨餘人吏散，燕語簾櫳靜。懿此含曉芳，翛然忘簿領。紫茸垂組綬，金縷鑽鋒穎。露溽暗傳香，風輕徐就影。苒弱多意思，從容占光景。得地在侯家，移根近仙井。開樽好疑睇，倚瑟仍迴頸。遊蜂駐綵冠，舞鶴迷煙頂。興生紅藥後，愛

與甘棠並不學天桃姿浮榮有俄頃

和南海馬大夫聞楊侍郎出守郴州因有寄上之作

忽驚金印駕朱轡遂別鳴珂聽曉猿碧落仙來雖暫謫
赤泉侯在是深恩玉環慶遠瞻台座銅柱勳高壓海門
一詠瓊瑤百憂散何勞更樹北堂萱

奉和鄭相公以考功十弟山薑花俯賜篇詠

採擷黃薑蕊封題青瑣闥共聞調膳日正是退朝歸香
為綺筵發情隨綠翰飛故將天下寶萬里共光輝

馬大夫見示浙西王侍御贈答詩因命同作

榮踐舊府又歷交趾桂枝南人歌之列在風
什王侍御公易一別歲餘寄末篇以代札

結廬朱氏贗餘叢書

憶逐羊車凡幾時今來舊府統成師象筵照室會詞客
銅鼓臨軒舞海夷百越酋豪稱故吏十洲風景助新詩
秣陵從事何年別一見瓊章如素期

酬馬大夫登涯口成見寄

新辭金印拂朝纓臨水登山四體輕猶念天涯未歸客
瘴雲深處守孤城

酬馬大夫以愚獻通芟酒感通拔二字因而寄別之作

泥沙難振拔誰復問窮通莫訝提壺贈家傳枕麴風成
謠獨酌後深意片言中不進終無已應須荀令公

答楊八敬之絕句

楊生時亦謫居

飽霜孤竹聲偏切帶火焦桐韻本悲今日知音一留聽
是君心手不平時

鄂渚留別李二十一表臣大夫

高檣起行色促柱動離聲欲問江深淺應如遠別情

答表臣贈別三首

昔為瑤池侶飛舞集蓬萊今作江漢別風雪一徘徊
嘶馬立未還行舟路將轉江頭暝色深揮袖依稀見

始發鄂渚寄表臣三首

祖帳管絃絕客帆淒風生迴車已不見猶聽馬嘶聲
曉發柳林成遙城聞五鼓憶與故人眠此時猶晤語

出鄂州界懷表臣三首

結廬朱氏贍餘叢書

離席一揮杯別愁今尙醉遲遲有情處卻恨江帆駛
夢覺疑連榻舟行忽千里不見黃鶴樓寒沙雪相似

重寄表臣三首

對酒臨流奈別何君今已醉我蹉跎分明記取星星鬢
他日相逢應更多

世間人事有何窮過後思量盡是空早晚同歸洛陽陌
卜鄰須近祝雞翁

寄唐州楊八歸厚

淮西古地雍州師畫角金鏡旦夕吹淺草遙迎鸚鵡馬
春風亂颭辟邪旗謫仙年月今應滿鸞諫聲名眾所知
何況遷喬舊同伴一雙先入鳳凰池

時徐晦楊嗣復二舍人與唐州俱同

年及
第

重寄絕句

淮西既是平安地，鴉路今無羽檄飛。
聞道唐州最清靜，戰場耕盡野花稀。

春日寄楊八唐州二首

淮西春草長，淮水透迤光。
燕入新村路，人耕舊戰場。
可憐行春守，立馬看斜桑。
漠漠淮上春，莠苗生故壘。
梨花方城路，荻笋蕭陂水。
高齋有謫仙，坐嘯清風起。

寄朗州溫右史曹長

暫別瑤墀鴛鴦行，綵旗雙引到沅湘。
城邊流水桃花過，

結廬朱氏勝餘叢書

簾外春風杜若香，史筆枉將書紙尾。
朝纓不稱濯滄浪，雲臺功業家聲在。
徵詔何時出建章。

和東川王相公新漲驛池八韻

今日池塘上，初移造物權。
包藏成別島，沿濁致清漣。
變化生言下，蓬瀛落眼前。
泛觴驚翠羽，開幕對紅蓮。
遠寫風光入，明含氣象全。
渚煙籠驛樹，波日漾賓筵。
曲岸留緹騎，中流轉彩船。
無因接元禮，共載比神仙。

翻楊八副使將赴湖南途中見寄一絕

知逐征南冠楚材，遠勞書信到陽臺。
明朝若上君山上，一道巴江自此來。

翻楊司業巨源見寄

壁雍流水近靈臺中有詩篇絕世才渤海歸人將集去
梨園弟子請詞來瓊枝未識魂空斷寶匣初臨手自開
莫道專城管雲雨其如心似不然灰

酬國子崔博士立之見寄

健筆高科早絕倫後來無不揖芳塵徧看今日乘軒客
多是昔年呈卷人胄子執經瞻講座郎官共食接華裯
煩君遠寄相思曲慰問天南一逐臣

酬馮十七舍人宿衛贈別五韻

少年爲別日隋宮楊柳陰白首相逢處巴江煙浪深使
星三蜀酒春雨霑衣襟王程促速意夜語殷勤心卻歸
天上去遺我雲閒音

結廬朱氏贖餘叢書

劉賓客外集卷第五

夢得

卷第五

結廬朱氏贍餘叢書

劉賓客外集卷第六

律詩

唐侍御寄遊道林嶽麓二寺詩并沈中丞姚員外所和見徵繼作

湘西古刹雙蹲蹲羣峰朝拱如駿奔青松步障深五里
龍宮黯黯神爲闈高殿呀然壓蒼巘俯瞰長江疑欲吞
橋州泛浮金寶動水郭繚繞朱樓騫語餘百響入天籟
眾奇引步輕翻翻泉清石布博碁子蘿密鳥韻如簧言
迴廊架險高且曲新徑穿林明復昏淺流忽濁山獸過
古木半空天火痕星使雙飛出禁垣元侯餞之遊石門
紫髯翼從紅袖舞竹風松雪香温磨遠持青瑣照巫峽

一夏驚斷三聲猿靈山會中身不預吟想峭絕愁精魂
恨無黃金千萬餅布地買取為邱園

遙和韓睦州元相公二君子

玉人紫綬相輝映卻要霜髯一兩莖其奈無成空老去
每臨明鏡若為情

張郎中籍遠寄長句開緘之日已及新秋因舉
目前仰酬高韻

南宮詞客寄新篇清似湘靈促柱絃京邑舊遊勞夢想
歷陽秋色正澄鮮雲銜日腳成山雨風駕潮頭入渚田
對此獨吟還獨酌知音不見思蒼然

酬湖州崔郎中見寄

結廬宋氏贖餘叢書

風箏吟秋空不肖指爪聲高人靈府聞律呂伴咸英昔
年與兄遊文似馬長卿今來寄新詩乃類陶淵明磨礪
老益智吟詠閒彌精豈非山水鄉蕩漾神機清渚煙蕙
蘭動溪雨虹霓生憑君虛上舍待子乘興行

酬楊八庶子喜韓吳興與予同遷見贈依本韻

早遇聖明朝雁行登九霄吳興與予中外兄弟文輕傅武仲酒逼

蓋寬饒捨矢同瞻鵠當筵共賽梟吳興與予同第琢磨三

益重唱和五音調臺柏煙常起池荷香暗飄吳興與予同為御史

門外有蓮池也星文辭北極旗影度東遼吳興自度支郎中出

范僕射昔范明直道由來黜浮名豈敢要三湘與百越

雨散又雲搖遠守慙侯籍徵還荷詔條悴容唯舌在別

恨幾魂銷滿眼悲陳事逢人少舊寮煙霞爲老伴蒲柳
任先凋虎綬懸新印龍舳理去橈斷腸天北郡攜手浴
陽橋幢蓋今雖貴弓旌會見招其如草_玄客空宇久寥
寥

秋日書懷寄河南王尹

公府想無事西池秋水清去年爲狎客永日奉高情況
有臺上月如聞雲外笙不知桑落酒今歲與誰傾

浙東元相公書歎梅雨鬱蒸之候因寄七言

稽山自與岐山別何事連年鶯鶯飛百辟商量舊相入
九天祇候遠臣歸平湖晚泛窺清鏡高閣晨開掃翠微
今日看書最惆悵爲聞梅雨損朝衣

結廬宋氏贖餘叢書

酬嚴給事賀加五品兼簡同制水部李郎中

九天雨露傳青詔八舍郎官換綠衣初佩銀魚隨使入
宜乘白馬退朝歸雕盤賀喜開瑤席彩筆題詩出瑣闥
聞道水曹偏得意霞朝霧夕有光輝

裴相公大學士見示答張祕書謝馬詩并羣公
屬和因命追作

草_玄門戶少塵埃丞相并州寄馬來初自塞垣銜苜蓿
忽行幽徑破莓苔尋花緩轡威遲去帶酒垂鞭蹊蹊迴
不與王侯與詞客知輕富貴重清才

奉和司空裴相公中書卽事通簡舊寮之作

談笑在巖廊人人盡所長儀形見山立文字動星光日

運丹青筆時看赤白囊
仁聞戎馬息入賀領駕行

微之鎮武昌中路見寄藍橋懷舊之作淒然繼

和兼寄安平

今日油幢引他年黃紙追
同爲三楚客獨有九霄期
宿草恨長在傷禽飛尚遲
武昌應已到新柳映紅旗

奉和裴侍中將赴漢南留別座上諸公

金貂曉出鳳池頭
玉節前臨南雍州
蹇輟洪鑪觀劍戟
還將大筆注春秋
管絃席上留高韻
山水途中入勝遊
峴首風煙看未足
便應重拜富人侯

和兵部鄭侍郎省中四松詩十韻

松楚中書相
公任侍郎日
裁手

結廬宋氏贍餘叢書

右相歷中臺移松武庫
栽紫茸抽組綬青實長
玫瑰便有干霄勢
看成構廈材
數分天柱半影逐
日輪迴舊賞
台階去新知谷口來
息陰常仰望翫境幾
徘徊翠粒晴懸露
蒼鱗雨起苔疑音
助瑤瑟飄蕊泛金壘
月桂花搖燭星榆
半對開終須似雞樹
榮茂近昭回

和蘇郎中尋豐安里舊居寄主客張郎中

漳濱臥起恣閒遊
宣室徵還未白頭
舊隱來尋通德里
新篇寫出畔牢愁
池看科斗成文字
鳥聽提壺憶獻酬
同學同年又同舍
許君雲路並華輈

將赴蘇州途出洛陽留守李相公累申宴餞寵
行話舊形於篇章謹抒下情以申仰謝

歲杪風物動雪餘宮苑晴兔園賓客至金谷管絃聲洛水故人別吳宮新燕迎越郎憂不淺懷袖有瓊英

吳興敬郎中見惠斑竹杖兼示一絕聊以謝之一莖炯炯琅玕色數節重重玳瑁文柱到高山未登處青雲路上願逢君

和浙西王尚書聞常州楊給事製新樓因寄之作

文昌星象盡東來油幕朱門次第開且上新樓看風月會乘雲雨一時迴

尚書在南宮為左丞給事與禹錫皆是郎吏

酬浙東李侍郎越州春晚即事長句

越中藹藹繁華地秦望峰前禹穴西湖草初生邊雁去

結廬未氏贖餘業書

山花半謝杜鵑啼青油晝捲臨高閣紅旆晴翻繞古隄

明日漢庭徵舊德老人爭出若耶溪

後漢劉寵為會稽太守及徵還山陰

忽有五太守自若耶山各出其人齎百錢以送寵寵勞之答曰自明府下車不見吏年老遇值聖明故自揆奉送寵為人選一大錢受之

酬淮南牛相公述舊見貽

少年曾忝漢庭臣晚歲空餘老病身初見相如成賦日尋為丞相埽門人追思往事咨嗟久喜奉清光笑語頻猶有登朝舊冠冕待公三日拂埃塵

酬鄭州權舍人見寄二十韻

朱戶凌晨啟碧梧含早涼人從桔槔至書到漆沮傍杼會因佳句情深取斷章愜心同笑語入耳勝笙簧憶昔

三條路居鄰數仞牆舍人舊宅光福時忝東鄰學堂青玉案綵服紫

羅囊麟角看成就龍駒見抑揚毅中飛一箭雲際落雙

鷁舍人一舉登科又判入等第甸邑叨前列天臺愧後行鄙人為渭南主簿十

年舍人方尉其邑及羅譴謫重入南宮為禮部郎中舍人方任考功員外鯉庭傳事業雞樹

逐翱翔書殿連鳴鵲神池接鳳凰追遊蒙尙齒惠好結

中腸鄙人在集賢與西掖接近日夕追遊微翻方擡舉危根易損傷一麾

憐棄置五字借恩光鄙人出牧姑蘇州舍人草制汝海崆峒秀漆流

芍藥芳風行能偃草境靜不爭桑鄙人轉臨汝州舍人牧滎陽轉旆

趨關右頽條西渭陽病吟猶有思老醉已無狂塵滿鴻

溝道沙驚白狄鄉仁聞黃紙詔促召紫微郎

奉和裴令公夜宴

結廬朱氏賡餘叢書

天下蒼生望不休東山雖有但時遊從來海上仙桃樹肯還人間風露秋

洛濱病臥李侍郎見惠藥物謔以文星之句

隱几支頤對落暉故人書信到柴扉周南留滯商山老星象如今屬少微

酬留守牛相公宮樹早秋寓言見寄

曉月映宮樹秋光起天津涼風稍動葉宿路木生塵景氣尙芳麗曠望感心神揮毫成逸韻開閣遲來賓擺去將相印漸為逍遙身如招後房宴卻要白頭人

牛相公留守見示城外新墅有溪竹杖月親情

多往宿遊恨不得去因成四韻兼簡洛中親故

之什兼命同作

別墅洛城外月明村徑野通光輝滿池上絲管發舟中隄
豔菊花露島涼松葉風高情限清禁寒漏滴深宮

和僕射牛相公追感韋裴六相登庸皆四十餘
未五十薨歿豈早榮早枯之義今年將六十猶
粗強健因親故勸酒率爾然成篇并見寄之作

坐鎮清朝獨殷然間徵故事數前賢用材同踐鈞衡地
稟氣終分大小年威鳳池思泛泳仙槎舊路望迴旋
猶憐綺季深山裏唯有松風與石田

和僕射牛相公以離闕庭七年班行親故亡歿
十無一人再覩龍顏喜慶雖極感歎風燭能不

結廬宋氏贖餘叢書

愴然因成四韻并示集賢中書二相公所和

久辭龍闕擁紅旗喜見天顏拜亦墀三省英寮非舊侶
萬年芳樹長新枝交朋接武居仙院幕客追風入鳳池
雲母屏風卽施設可憐榮耀冠當時

和僕射牛相公見示長句

靜得天和興自濃不緣宦達性靈慵大鵬六月有閒意
仙鶴千年無躁容流輩盡來多歎息官班高後少過從
唯應加築露臺上賸見終南雲外峰

和牛相公雨後寓懷見示

金火交爭正抑揚蕭蕭飛雨助清商曉看紈扇恩情薄
夜覺紗燈刻數長樹上早蟬纔發響庭中百草已無光

當年富貴亦惆悵何況悲翁髮似霜

牛相公林亭雨後偶成

飛雨過池閣浮光生草樹新竹開粉匳初蓮蒸香炷野
花無時節水鳥自來去若問知境人人閒第一處

和牛相公題姑蘇所寄太湖石兼寄李蘇州

震澤生奇石沈潛得地靈初辭水府出猶帶龍宮腥登
自江湖國來榮卿相庭從風夏雲勢上漢古槎形拂拭
魚鱗見鏗鏘玉韻聆煙波含宿潤苔蘚助新青嵌穴胡
雛貌纖鋸蟲篆銘孱顏傲林薄飛動向雷霆煩熱近還
散餘醒見便醒凡禽不敢息浮塏莫能停靜稱垂松蓋
鮮宜映鶴翎忘憂常日擊素尚與心冥眇小欺湘燕團

結廬未氏勝餘叢書

圓笑落星徒然想融結安可測年齡采取詢鄉耆搜求
按舊經垂鉤入空隙隔浪動晶瑩有獲人爭賀歡謠眾
共聽一州驚閱寶千里遠揚舲覩物洛陽陌懷人吳御
亭寄言垂天翼早晚起滄溟

和陳許王尚書酬白少傅侍郎長句因通簡汝
洛舊遊之什

寥廓高翔不可追風雲失路蹇相隨方同洛下書生詠
又見軍前大將旗雪裏命賓開玉帳飲中請號駐金卮
竹林一自王戎去嵇阮雖貧興未衰

和僕射牛相公寓言二首

兩度竿頭立定滄迴眸舉袖拂青霞盡拋今日貴人樣

復振前朝名相家御史定來休直宿尙書依舊趁參衙
具瞻尊重誠無敵猶憶洛陽千樹花
心如止水鑿常明見盡人間萬物情鵬鶚騰空猶逞俊
驂騑齒足自無驚時來未覺權爲崇貴了方知退是榮
只恐重重世緣在事須三度副蒼生

和牛相公南溪醉歌見寄

脫屣將相守沖謙惟於山水獨不廉枕伊背洛得勝地
鳴皋少室來軒簷相去聲形面勢默然指畫言下變化隨顧
瞻清池曲榭人所致野趣幽芳天與添有時轉入潭島
閒珍木如幄藤爲簾忽然便有江湖思沙礫平淺草纖
纖怪石釣出太湖底珠樹移自天台尖崇蘭迎風綠泛

結一廬朱氏贖餘叢書

豔拆蓮含露紅襍襜脩廊架空遠岫入弱柳覆檻流波
霑渚蒲抽莢劍脊動岸荻迸笋錐頭鈿攜觴命侶極永
日此會雖數心無厭人皆置莊身不到富貴難與逍遙
兼唯公出處得自在決就放曠辭炎炎座賓盡歡恣談
謔愧我掉頭還奮髯能令商於多病客亦覺自適非沈
潛

酬僕射牛相公晉國池上別後至甘棠館忽夢
同遊因成口號見寄

已嗟池上別魂驚忽報夢中攜手行此夜獨歸還乞夢
老人無睡到天明

裴侍郎大尹雪中遺酒一壺兼示喜眼疾平一

絕有閒行把酒之句斐然仰酬

捲盡輕雲月更明金篦不用且閒行若傾家釀招來客
何必池塘春草生

酬太原狄尚書見寄

家聲烜赫冠前賢時望穹崇鎮北邊身上官銜如塵土
幕中談笑取同年幽并俠少趨鞭弭燕趙佳人奉管絃
仍把天兵書號筆遠題長句寄山川

酬宣州崔大夫見寄

白衣曾拜漢尚書今日恩光到敝廬再入龍樓稱綺季
應緣狗監說相如中郎南鎮權方重內史高齋興有餘
遙想敬亭春欲暮百花飛盡柳花初

結廬朱氏贍餘叢書

酬皇甫十少尹暮秋久雨喜晴有懷見示

雨餘獨坐捲簾帷使得詩人喜霽詩搖落從來長年感
慘舒偏是病身知埽開雲霧呈光景流盡潢汙見路岐
何況菊香新酒熟神州司馬好狂時

劉賓客外集卷第六

宋本十三葉

劉賓客外集卷第七

律詩

和浙西李大夫霜夜對月聽小童吹觱篥歌

本
韻

結廬朱氏腹餘叢書

海門雙青暮煙歇萬頃金波湧明月侯家小兒能觱篥
對此清光天性發長江凝練樹無風瀏慄一聲霄漢中
涵胡畫角怨邊草蕭瑟清蟬吟野叢沖融頓挫心使指
雄吼如風轉如水思婦多情珠淚垂仙禽欲舞雙翅起
郡人寂聽衣滿霜江城月斜樓影長纔驚指下繁韻息
已見樹杪明星光謝公高齋吟激楚戀闕心同在羈旅
一奏荆人白雪歌如聞洛客扶風鳴吳門水驛接山陰

文字殷勤寄意深欲識陽陶能絕處少年榮貴道傷心
浙西李大夫承述夢四十韻并浙東元相公酬
和斐然繼聲

位是才能取時因際會遭羽儀呈鸞鷲鉞刃試豪曹洛
下推年少山東許地高門承金鉉鼎家有玉璜韜呂伋侯
海浪扶鵬翅天風引驥髦便知蓬閣悶不識魯衣裘興
發春塘草魂交益部刀形開猶抱膝燭盡遽揮毫昔仕
當初筮逢時詠載縻懷鉛辨蟲蠹染素學鵝毛車騎方
休汝歸來欲效陶大夫罷太原從事歸京師南臺資謬內署選風
騷羽化如乘鯉樓居舊冠鼇美香焚溼麝名果賜乾苟
議赦蠅棲筆邀歌蟻泛醪代言無所戲謝表自稱叨蘭

結廬宋氏贖餘叢書

猷凝芳澤芝泥瑩玉膏對頻聲價出直久夢魂勞草詔
令歸馬批章答獻葵幽冀歸閣西戎乞盟事並具注前銀花懸院勝翠
羽映簾條諷諫欣然納奇觚率爾操禁中時謬謬天下
免切切左顧龜成印雙飛鵠織袍謝賓緣地密潔己是
心豪五日思歸沐三春羨眾邀茶鑪依綠筍碁局就紅
桃溟海桑潛變陰陽炭暗熬仙成脫屣去臣戀捧弓號
建節辭烏柏宣風看鷺翻玉京口峻鐵囊郡城牢舊說
潤州城如鐵囊事見歸浣南征記曲島花千樹官池水一篙鶯來和絲
管雁起拂麾旄宛轉傾羅扇迴旋墮玉搔罰籌長豎燾
觥蓋樣如舫山是千重障江為四面濠臥龍曾得雨浙東
孤鶴尚鳴皋浙劍用雄開匣二弓閒蟄受破自謂鳳姿常

在竹公鷓羽不離蒿謂自吳越分雙鎮東西接萬艘今朝
比潘陸江海更滔滔

和浙西李大夫晚下北固山喜松徑成陰悵然

懷古偶題臨江亭并浙東元相公所和韻林韻

一辭温室樹幾見武昌柳荀謝年何少韋平望已久種
松夾石道紆組臨沙阜目覽帝王州心存股肱守葉動
驚綵翰波澄見蘋首晉宋齊梁都千山萬江口煙散隋
宮出濤來海門吼風俗泰伯餘衣冠永嘉後江長天作
限山固壤無朽自古稱佳麗非賢誰奄有八元邦族盛
萬石門風厚天柱揭東溟文星照北斗高亭一騁望舉
酒共爲壽因賦詠懷詩遠寄同心友禁中晨夜直江左

結廬朱氏贖餘叢書

東西偶筆手握兵符儒腰盤貴綬頰條風有自立事言
無苟農野閒讓耕軍人不使酒用材當構廈知道甯窺
牖誰謂青雲高鵬飛終背負

和浙西李大夫伊川卜居

早入八元數嘗承三接恩飛鳴天上路鎮壓海西門清
望寰中許高情物外存時來誠不讓歸去每形言洛下
思招隱江干厭作藩按經脩道具依樣買山村馬葛堂
爲御史
大夫時置宅命畫工圖其開鑿隨人化幽陰爲律暄遠
狀戒所使日依此樣求之
移難得樹立變舊荒園絕塞通潛徑平泉占上原煙霞
遙在想簿令益爲繁丹禁虛東閣蒼生望北轅徒令雙
白鶴五里自翩翻

和滑州李尚書上已憶江南禊事

白馬津頭春日遲沙洲歸雁拂旌旗柳營唯有軍中戲
不似江南三月時

酬滑州李尚書秋日見寄

一入石渠署三聞宮樹蟬丹霄未得路白髮又添年雙
節外臺貴洞簫中禁傳徵黃在旦夕早晚發南燕

吐綬鳥詞 并序

滑州牧尚書李公以吐綬鳥詞見示兼命繼聲蓋尚書
前為御史時所作有翰林二學士同賦之今所謂追和
也鳥之所異具於首篇

越山有鳥翔寥廓嗟中天綬光若若越人偶見而奇之

結廬宋氏贖餘叢書

因名吐綬江南知四明天姥神仙地朱鳥星精鍾異氣
赤玉雕成彪炳毛紅綃翦出玲瓏翅湖煙始開山日高
迎風吐綬盤花條臨波似染琅邪草映葉疑開阿母桃
花紅草綠人間事未若靈禽自然貴鶴吐明珠黿報恩
鵲銜金印空為瑞春和秋霽野花開翫景尋芳處處來
翠幕雕籠非所慕珠丸柘彈莫相猜按月啼煙凌縹緲
高林先見金霞曉三山仙路寄遙情刷羽揚翹欲上征
不學碧雞依井絡願隨青鳥向層城太液池中有黃鵠
憐君長向高枝宿如何一借羊角風來聽簫韶九成曲
和西川李尚書漢川微月遊房太尉西湖
木落漢川夜西湖懸玉鉤旌旗環水次舟楫泛中流目

極想前事神交如共遊瑤琴久已絕松韻自悲秋

和重題

林端落照盡湖上遠嵐清水榭芝蘭室仙舟魚鳥情人
琴久寂寞煙月若平生一泛釣璜處再吟鏘玉聲

和遊房公舊竹亭聞琴絕句

尚有竹閒路永無綦下塵一聞流水曲重憶餐霞人

西川李尚書知愚與元武昌有舊遠示二篇吟

之泫然因以繼和二首來詩云元公令陳從事求蜀琴將以為寄而武

昌之計聞因陳生會葬

如何贈琴日已是絕絃時無復雙金報空餘掛劍悲

寶匣從此閉朱絃誰復調祇應隨玉樹同向土中銷

結廬朱氏贖餘叢書

和西川李尚書傷韋令孔雀及薛濤之什

玉兒已逐金環葬翠羽先隨秋草萎唯見芙蓉含曉露

數行紅淚滴清池後魏元初南陽王禧之子南奔到建業數年後北歸受姓朱玉兒脫金指

環為贈樹至魏卻以指環寄玉兒示有還意

酬李相公喜歸鄉國自鞏縣夜泛洛水見寄

鞏樹煙月上清光含碧流且無三已色猶泛五湖舟

息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如為人潭

空破鏡風動翠蛾嚙會向瑣窗望追思伊洛濱

和李相公初歸平泉過龍門南嶺遙望山居即

事

擊別明庭去初隨優詔還曾為鵬鳥賦喜過鑿龍山新
墅煙火起野程泉石間巖廊人望在只得片時間

和李相公以平泉新墅獲方外之名因為詩以
報洛中士君子兼見寄之作

業繼韋平後家依崑閩閒恩華辭北第蕭灑愛東山滿
室圖書在入門松菊閒華天雖暫息一舉出人寰

酬柳柳州家雞之贈

日日臨池弄小雛還思寫論付官奴柳家新樣元和腳
且盡薑牙斂手徒

答前篇

結廬朱氏贍餘叢書

小兒弄筆不能嗔浣壁書窗且賞勤聞被夢熊猶未兆
女中誰是衛夫人

答後篇

昔日傭工記姓名遠勞辛苦寫西京近來漸有臨池興
為報元常欲抗行

再授連州至衡陽酬柳柳州贈別

去國十年同赴召渡湘千里又分岐重臨事異黃丞相
三黜名慙柳士師歸日併隨迴雁盡愁腸正遇斷猿時
桂江東過連山下相望長吟有所思

重別

二十年來萬事同今朝岐路忽西東皇恩若許歸田去

歲晚當爲鄰舍翁

三贈

信書誠自誤經事漸知非今日臨湘別何年休汝歸

題_①酒于髡墓

生爲齊贅婿死作楚先賢應以客卿葬故臨官道邊寓
言本多興放意能合權我有一石酒置君墳樹前

懷妓四首

玉釵重合兩無緣魚在深潭鶴在天得意紫鸞休舞鏡
能言青鳥罷銜牋金盆已覆難收水玉軫長拋不續絃
若向靡蕪山下過遙將紅淚灑窮泉
鸞飛遠樹棲何處鳳得新巢有去心紅壁尙留香漠漠

結廬朱氏贖餘叢書

碧雲初斷信沈沈情知點污投泥玉猶自經營買笑金
從此山頭似人石丈夫形狀淚痕深

舊曾行處徧尋看雖是生離死一般買笑樹邊花已老
畫眉窗下月猶殘雲藏巫峽音容斷路隔星橋過往難
莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷
姮娥歸處月宮深紗窗遙想春相憶書幌誰憐夜獨吟
料得夜來天上鏡只應偏照兩人心

登清暉樓

選前四句
爲江州

潯陽江色潮添滿彭蠡秋聲雁送來南望廬山千萬仞
共誇新出棟梁材

省試風光草際浮

熙熙春景霽草綠春光麗的歷亂相鮮葳蕤互虧蔽乍
疑芊緜裏稍動丰茸際影碎翻崇蘭香浮轉叢蕙含煙
絢碧彩帶露如珠綴幸因採掇日況此臨芳歲

赴和州於武昌縣再遇毛仙翁十八兄因成一

絕

武昌山下蜀江東重向仙舟見葛洪又得案前親禮拜
大羅天訣玉函封

劉賓客外集卷第七

宋本十葉

結廬朱氏贖餘叢書

劉賓客外集卷第八

律詩

寄毗陵楊給事三首

揮毫起制來東省躡足修名謁外臺好看橐鞬莫惆悵
出文入武是全才

曾主魚書輕刺史今朝自請左魚來青雲直上無多地
卻要斜飛取勢迴

東城南陌昔同遊座上無人第二流屈指如今已零落
且須歡喜作鄰州

巫山神女廟

巫峰十二鬱蒼蒼片石亭亭號女郎曉霧乍開疑捲幔

山花欲謝似殘妝，星河好夜聞清佩。雲雨歸時帶異香，何事神仙九天上，人間來就楚襄王。

柳絮

飄颺南陌起東鄰，漠漠濛濛好度春。花巷暖隨輕舞蝶，玉樓晴拂豔妝人。縈迴謝女題詩筆，點綴陶公漉酒巾。何處好風偏似雪，隋河隄上古江津。

陪崔大尚書及諸閣老宴杏園

更將何面上春臺，百事無成老又催。唯有落花無俗態，不嫌憔悴滿頭來。

曹剛

大絃嘈囋小絃清，噴雪含風意思生。一聽曹剛彈薄媚。

絕廬朱氏贍餘叢書

人生不合出京城

發蘇州後登武邱寺望海樓

獨宿望海樓，夜深珍木冷僧房。已閉戶山月方出嶺，碧池涵劍彩，寶剎搖星影。卻憶郡齋中，虛眠此時景。

別蘇州三首

三載爲吳郡，臨期祖帳開。雖非謝桀黠，且爲一徘徊。流水閭門外，秋風吹柳條。從來送客處，今日自魂銷。

松江送處州奚使君

吳越古今路，滄波朝夕流。從來別離地，能使管絃愁。江草帶煙暮，海雲含雨秋。知君五陵客，不樂石門遊。

題報恩寺

雲外支硎寺名聲敵虎邱石文留馬跡峰勢聳牛頭泉
眼潛通海松門預帶秋遲迴好風景王謝昔曾遊

罷郡姑蘇北歸渡楊子津

幾歲悲南國今朝賦北征歸心渡江勇病體得秋輕海
闊石門小城高粉堞明金山舊遊寺過岸聽鐘聲

館娃宮在舊郡西南硯石山上前瞰姑蘇臺傍
有採香徑梁天監中置佛寺曰靈巖卽故宮也
信爲絕境因賦二章

宮館貯嬌娃當時意太誇豔傾吳國盡笑入楚王家月
殿移椒壁天花代舜華唯餘採香徑一帶入山斜

姑蘇臺

結二虛宋氏賸餘叢書

故國荒臺在前臨震澤波綺羅隨世盡麋鹿古時多築
用金椎力摧因石鼠窠昔年雕輦路唯有採樵歌

贈同年陳長史員外石

明州長史外臺郎憶昔同年翰墨場一自分襟多歲月
相逢滿眼是淒涼推賢有愧韓安國論舊唯存盛孝章
所歎謬遊東閣下看君無計出懷惶

寄湖州韓中丞

老郎日日憂蒼鬢遠守年年厭白蘋終日相思不相見
長頻相見是何人

有感

死且不自覺其餘安可論昨宵鳳池客今日雀羅門騎

吏塵未息銘旌風已翻平生紅粉愛唯解哭黃昏

楊柳枝

揚子江頭煙景迷隋家宮樹拂金隄嗟峨猶是當時色
半蘸波中水鳥棲

海陽十詠 并引

元次山始作海陽湖後之人或立亭榭率無指名及予
而大備每疏鑿構置必揣稱以標之人咸曰有旨異日
遷官裴侍御為十詠以示予頗明麗而不虛美因拈拾
裴詩所未道者從而和之一云予為吏隱亭述言海陽之所從來詳矣異日下與此同

吏隱亭

結一廬采氏賡餘叢書

結構得奇勢朱門交碧潯外來始一望寫盡平生心日
軒漾波影月砌鏤松陰幾度欲歸去迴眸情更深

切雲亭

迴破林煙出俯窺石潭空波搖杏梁日松韻碧窗風隔
水生別島帶橋如斷虹九疑南面事盡入寸眸中

雲英潭

芳幄覆雲屏石匳開碧鏡支流日飛灑深處身疑縈潛
去不見跡清音常滿聽有時病朝醒來此心神醒

玄覽亭

蕭灑青林際黃緣碧潭隈深流冒石下輕波逐砌迴香
風過人度幽花覆水開故令無四壁清夜月光來

裴溪時御史已遇新恩

楚客憶關中，疏溪想汾水。縈紆非一曲，意態如千里。倒影羅文動，微波笑顏起。君今賜環歸，何人承玉趾。

飛練瀑

晶晶擲巖端，潔光如可把。瓊枝曲不折，雪片晴猶下。石堅激清響，葉動承餘灑。前時明月中，見是銀河瀉。

蒙池

滌滄幽壁下，深靜如無力。風起不成文，月來如一色。地靈草木腴，人遠煙霞逼。往往疑列仙，圍碁在巖側。

芬絲瀑

飛流透嵌隙，噴灑如絲芬。含暈迎初旭，翻光破夕曛。餘

結廬朱氏贖餘叢書

波繞石去碎響隔溪聞，卻望瓊沙際。逶迤見脈分。

雙溪

流水繞雙島，碧溪相並深。浮花擁曲處，遠影落中心。閒鷺久獨立，曝龜驚復沈。蘋風有時起，滿谷簫韶音。

月窟

濺濺漱幽石，注入團圓處。有如常滿杯，承彼清夜露。巖曲月斜照，林寒春晚煦。遊人不敢觸，恐有蛟龍護。

送周魯儒赴舉詩并引

晝居外次，晨門曰：有九疑生，持一刺來謁。立西階，以須生危冠方袂，淺拱舒拜。且前致詞，稱贊其文，頗涉獵前言。居五六日，復來，益引古事以相劇切，與之言能言。

其得姓因家之所自暨縣道鄉亭之風俗望山名水之
槩狀羅含所未記朱贛之未條咸得之於生由是始列
於賓籍臨觴而司斟觀博而竄言有日矣初邑中人聞
有生來而二千石客之駢然來觀遷客裴御史遇生於
座抵掌曰人固有貌類而族殊者周生疑羅玠也眾咸
蹶然而熟視生疑也愈甚夫形似古所有也優孟似叔
放而楚君欲以爲相人殊而貌肖猶或欲用之玠生於
衡山而生生於九疑其似誠匹也無乃躡其武昇俊造
仕甸服佐君藩爲御史乎古之人無避事卽有而書之
尙實也行李之貺則徵夫詩曰
宋日營陽內史孫因家占得九疑村童心便有愛書癖

結一唐朱氏贖餘叢書

手指今餘把筆痕自握蛇珠辭白屋欲憑雞卜謁金門
若逢廣坐問羊酪從此知名在一言

送曹璩歸越中舊隱詩 并引

予爲連州諸生以進士書刺者浩不可紀獨曹生崖然
自稱爲山夫及與語以徵其實則曰所嗜者名嘗遠遊
以索之抗喉舌肱胝晦以干東諸侯見之日率莞然曰
秀才天下是禮不庸何傷今方依名山以揚其聲將
掛幘於南嶽生之言未及休予遽曰在己不在山若子
之言依山而爲高是練神叩寂捐日月而不顧名聞而
老至持是焉用生聞言愀然如晦色見於眉睫因留止
道士院從予求書以觀居三時而功倍一歲讀史書自

皇帝至吳魏閒班班能言之然而絕口不敢言衡山知
山夫不販而贏也十一月告予歸隱於會稽且曰知求
名之自矣乞詞以發之遂賦七言詩以鑒其志詩曰
行盡瀟湘萬里餘少逢知己憶吾廬數閒茅屋閒臨水
一盞秋燈夜讀書地遠何當隨計吏策成終自詣公車
剡中若問連州事唯有千山畫不如

尋汪道士不遇

仙子東南秀冷然善御風笙歌五雲裏天地一壺中受
籙金華洞焚香玉帝宮我來君閉戶應是向崆峒

八月十五日夜桃源翫月

塵中見月心亦閒況是清秋仙府閒凝光悠悠寒露墜

結廬朱氏贖餘叢書

此時云在最高山碧虛無雲風不起山上長松山下水
羣動翛然一顧中境天高地平千萬里少君引我昇玉壇
禮空遙請真仙官雲輶欲下星斗動天樂一聲肌骨寒
金霞昕昕漸東上輪敲影促猶頻望絕景良時難再逢
他年此日應惆悵

叔父元和中取昔事爲桃源行後貶官武陵復爲翫
月作並題於觀壁爾來星紀再周歲纔牽故此郡仰見
文字闕缺伏慮他年轉將塵沒故鐫在貞石以期不
朽太和四年謹謹記

罷和州遊建康

秋水清無力寒山暮多思官閒不計程偏上南朝寺

田順郎歌

清歌不是世間音，玉殿嘗聞稱主心。唯有順郎全學得，一聲飛出九重深。

米嘉榮

一別嘉榮三十載，忽聞舊曲尙依然。如今世俗輕前輩，好染髭鬚事少年。

自江陵沿流道中

三千三百西江水，自古如今要路津。月夜歌謠有漁父，風天氣色屬商人。沙村好處多逢寺，山葉紅時覺勝春。行到南朝征戰地，古來名將盡爲神。

別夔州官吏

結廬朱氏贖餘叢書

三年楚國巴城守，一去揚州揚子津。青帳聯延喧驛步，白頭俯偃到江濱。巫山暮色常含雨，峽水秋來不恐人。唯有九歌詞數首，里中留與賽蠻神。

夜聞商人船中箏

大艚高艫一百尺，新聲促柱十三絃。揚州布粟商人女，來占江西明月天。

聞道士彈思歸引

仙翁一奏思歸引，逐客初聞自泣然。莫怪殷勤悲此曲，越聲長苦已三年。

喜康將軍見訪

謫居愁寂似幽棲，百草當門茅舍低。夜月將軍忽過訪，

鷓鴣驚起繞籬啼

贈劉景擢第

湘中才子是劉郎
望在長沙住桂陽
昨日鴻都新上第
五陵年少讓清光

赴連山途次德宗山陵寄張員外

當時並冕奉天顏
委佩低簪綵仗閒
今日獨來張樂地
萬重雲水望橋山

嘗茶

生拍芳叢鷹觜芽
老郎封寄謫仙家
今宵更有湘江月
照出霏霏滿盃花

梁國祠

結廬朱氏贍餘叢書

梁國三郎威德尊
女巫簫鼓走鄉村
萬家長見空山上
雨氣蒼茫生廟門

九日登高

世路山河險
君門煙霧深
年年上高處
未省不傷心

謝柳子厚寄疊石硯

常時同硯席
寄此感離羣
清越敲寒玉
參差疊碧雲
煙嵐餘斐疊
水墨兩氛氲
好與陶貞白
松窗寫紫

元日感懷

振蟄春潛至
湘南人未歸
身加一日長
心覺去年非
燎火委虛燼
兒童銜綵衣
異鄉無舊識
車馬到門稀

謝宣州崔相公賜馬

浮雲金絡膝昨日別朱輪銜草如懷戀嘶風尙意頻曾
將比君子不是換佳人從此西歸路應容躡後塵

南中書來

君書問風俗此地接炎州淫祀多青鬼居人少白頭旅
情偏在夜鄉思豈唯秋每羨朝宗水門前盡日流

題招隱寺

隱士遺塵在高僧精舍開地形臨渚斷江勢觸山迴楚
野花多思南禽聲例哀殷勤最高頂閒卻望鄉來

思歸寄山中友人

蕭條對秋色相憶在雲泉木落病身死潮平歸思懸涼
鐘山頂寺暝火渡頭船此地非吾土閒留又一年

結廬宋氏腹餘叢書

望洞庭

湖光秋月兩相和潭面無風鏡未磨遙望洞庭山翠水
白銀盤裏一青螺

魚復江中

扁舟盡室貧相逐白髮藏冠鑷更加遠水自澄終日綠
晴林長落過春花客情浩蕩逢鄉語詩意留連重物華
風檣好住貪程去斜日青帘背酒家

歷陽書事七十韻

并序

長慶四年八月予自夔州轉歷陽浮岷山觀洞庭歷夏
口涉潯陽而東友人崔敦詩罷丞相鎮宛陵緘書來抵
口必我覲而之藩不十日飲不置子故予自池州道宛

陵如其素敦詩出祖於敬亭祠下由姑孰西渡江乃吾園也至則考圖經參見事為之詩俟采之夜諷者

一夕為湖地千年列郡名霸王迷路處亞夫所封城漢

置東南尉梁分肘腋兵本吳風俗剽兼楚語音僖沸井

今無湧烏江舊有名土臺遊柱史石室隱彭鏗老君適楚有臺

在馬彭鏗石曹操祠猶在濡須隄未平海潮隨月大江

水應春生一昨深山裏終朝看火耕魚書來北闕鷓首

下南荆雲雨巫山暗蕙蘭湘水清章華樹已失鄂渚草

來迎廬嶺香鑪出溢城粉堞明雁飛彭蠡暮鷓噪大雷

晴平野分風使恬和趁夜程貴池登陸峻春穀渡橋鳴

絡繹主人問悲歡故舊情幾年方一面卜晝便三更助

結廬朱氏贖餘叢書

喜杯盤盛忘機笑語訶管清疑警鶴絃巧似嬌鶯熾炭

烘蹲獸華裯織鬪鯨迴檐飄霧雨急節墮瓊英斂黛凝

愁色鈿耀翠晶容華本南國妝梳學西京日落方收

鼓天寒更炙笙促筵交履鳥痛飲倒簪纓謔浪容優孟

嬌憐許智瓊蔽明添翠帟命燭柱金莖坐久羅衣皺杯

傾粉面駢興來從請曲意墮即飛觥令急重須改歡憑

醉盡呈詰朝還選勝來日又尋盟道別殷勤惜邀筵次

第爭唯聞嗟短景不復有餘醒眾散局朱戶相攜話素

誠晤言猶疊疊殘漏自丁丁出祖千夫擁行廚五熟烹

離亭臨野水別思入哀箏接境人情洽方冬饌具精中

流為界道隔岸數飛葢沙浦王渾鎮滄洲謝鑿空望夫

人化石。夢帝日環營。半渡趨津吏。緣隄簇郡屯。場黃堆
晚稻。籬碧見冬菁。里社爭來獻。壺漿各自擎。鳴夷傾底
舄。炬杖鬪成■。采石風傳柝。新林暮擊鉦。繭綸牽撥刺。
犀鱗照澄泓。露冕觀原野。前驅抗旆旌。分庭展賓主。望
闕拜恩榮。比屋惇^長。婺輩連年水旱并。遐思常後已。下令
必先庚。遠岫低屏列。支流曲帶縈。湖魚香勝肉。官酒重
於餽。憶昔泉源變。斯須地軸傾。雞籠爲石顛。龜眼入泥
坑。事繫人風重。官從物論輕。江春俄澹蕩。樓月幾虧盈。
柳長千絲宛。田塍一綫耕。遊魚將婢從。野雉見媒驚。波
淨攢鳧鵲。洲香發杜蘅。一鍾菰葑米。千里水葵羹。受譴
時方久。分憂政未成。比瓊雖碌碌。於鐵尚錚錚。早忝曹

結廬朱氏贖餘叢書

三署曾聞奏六英。無能甘負弩。不慎在騎衡。口語成中
邁。毛衣阻上征。時聞關利鈍。智亦有聾盲。昔愧山東妙
今慚海內兄。後來登甲乙。早已在蓬瀛。心記秦明鏡。才
非楚白珩。齒衰親藥物。宦薄傲公卿。捧日皆元老。宣風
盡大彭。好令朝集使。結束赴新正。

劉賓客外集卷第八

宋本十七卷

結廬朱氏贖餘叢書

劉賓客外集卷第九

雜著述引傳碑

論西戎表

謝上連州刺史表

含輝洞述

吏隱亭述

傳信方述

彭陽唱和集引

彭陽唱和集後引

吳蜀集引

汝洛集引

子劉子自傳

王公神道碑

為淮南杜相公論西戎表

臣某言臣一辭闕庭已僅二載官當重任身受重恩既
懷子牟戀闕之心又負臧文竊位之責思所以歌頌聖

德裨補箴規塵露至微不任懇迫臣遠祖詩顯名漢代
出牧南陽讜言善策隨事獻納忠醇之至聞於中外遺
風可襲有激愚衷臣是以輒竭聞見粗陳梗槩雖不盡
陛下聖明萬分之一然臣子之心有直必獻伏惟皇帝
陛下德合天地道躋文武弛張普博事法陰陽氣均生
成人霑亭育凡是氣_氣沴覆以春和銷除容納皆如聖意
寬宥肆赦實賴皇明河中誅鋤不勞兵革淮右底定不
戮一人慶浹萬邦事出千古近又西戎背約寇犯王師
陛下宏貸豺狼矜其兇悍布以恩澤果此知慙功因德
成不以兵制故詩云獫狁孔熾書稱蠻夷猾夏臣觀自
古帝王不忍小忿以貽大患故竭耗中國盡力邊陲至

結廬未氏贖餘叢書

如滅昆明之城平大宛之種豈足發輝皇猷增榮簡冊
故聖哲之論薄衛霍之功陛下鏡歷代無益之端脩大
君文德之教遂得北狄深藏五城晏閉百蠻向化四海
無虞唯此小蕃尙迷聲教陛下示之大信宏以舊恩雖
關防蹙驚而烽燧旋罷臣負恩方鎮初懼寇戎正於憂
迫之時果聞仁聖之諭攘卻兇孽不勞干戈臣靜思遠
圖久計莫若存信施惠以愧其心歲通玉帛待以客禮
昭宣聖德擇奉義之臣恢拓皇威選謹邊之將積粟塞
下坐甲關中以逸待勞以高御下重其金玉之贈結以
甥舅之歡小來則慰安大至則嚴備明其斥候不撓不
侵則戎狄爲可封之人沙場無戰死之骨若天下無事

人安歲稔然後訓兵命將破虜摧衡
武盡復舊地通使安西國家長算悉在於此計熟事定
舉必有功苟未可圖豈宜容易此皆陛下朝夕倦談之
事前後立驗之謀臣質性頑疏籌畫庸近受恩非據敢
忘獻忠犬馬之心實所罄盡謹遣某官某奉表

謝上連州刺史表

臣某言伏奉去三月七日制授臣使持節連州刺史恭
承睿旨跪奉詔書皇恩重於邱山聖澤深於雨露抃舞
失次神魂再揚臣某中臣性愚拙謬學文詞幸遇休明
累登科第出身入仕並不因人德宗臨御之時臣忝御
史陛下龍飛之日臣忝郎官恭守章程勤脩職業權臣

結廬宋氏廢餘叢書

奏用蓋聞虛名實非曲求可以覆視跡卑易枉無路自
明亦緣臣有微才所以嫉臣者眾競生口語廣肆加誣
伏賴陛下至仁特從寬典舉以緣坐貶佐遐藩屢變星
霜頻經恩赦犬馬懷戀寢興匪甯唯讀佛經願延聖壽
昨蒙詔命追赴上都隨例授官俾居遠郡在臣之分榮
幸已多伏荷陛下孝理宏深皇明照燭哀臣老母羸疾
憫臣一身零丁特降殊恩得移善部光榮廣被母子再
生凡在人臣皆感聖德凡爲人子皆荷聖慈豈唯賤臣
獨受恩造不覺喜極至於涕零昔殷王俯念於前禽且
聞解網漢帝有感於少女爰命罷刑方之聖朝不足多
尙感召和氣慰安羣生非臣隕越所能上報伏以南方

癘疾多在夏中臣自發柳州便染瘴癘扶策在道不敢
停留卽以今月十一日到州上訖謹宣聖旨以示遠人
恭述詔條所期富庶無任云云

含輝洞述

河東薛公景晦以文無害爲尙書刑部郎中以訕爲道
州刺史居郡大理至於無事清機羨溢盡付山水一旦
以書來誇曰吾得異境於近郊自城西門並南山俯江
水有石穹然如夏屋其左右前後又如迴廊曲房藻繡
雕彤之象雲生日入怪狀迭發水石卉木杳非人寰意
其當爲食霞御氣者之所遊息委蛻而去不知其幾千
百年逮今得諸黃冠野夫及請而往因名其地曰含輝

結廬朱氏

洞蓋詩家流所謂山水含清輝者是已吾子常以詞雄
於世蓋爲我誌焉愚得書退而深惟若薛公者少居江
湖間遊名山東探禹穴上四明句曲金華陽羨南過九
江薄匡廬以涉彭蠡天下山水之籍存乎胸中第其高
下銖兩不失及是而口喏不能名顧謂奇信矣若江華
者九疑三湘之佳麗地也前此二千石御史中執法河
南元次山諫大夫北平陽亢宗司刑大夫東平呂和叔
皆碩人也考槃招隱之致恆汲汲然卒使茲境貴於異
日豈地愛其寶有時而登耶顧謂奇信矣夫物之有作
俟言而遠故述焉以書於洞陰曰

營陽鬱鬱山水第一洞有含輝遊人忘歸孔樂請

言其略先是斯境翳於榛薄天姿孤絕凡目所忽闕其清光有待而發公之來思探異翫奇芟野憩林而民悅之既悅其至益知其嗜捫陁歷峴來適公志偶得奇絕聿來告公駕言從之谷岸溟濛有石如門又如垣墉穆蔓交木似編似組乃芟乃治乃可布武伸脰掉臂空洞無阻左右迴環儼若廊廡飛泉出竇練縑花吐觸石吹沙佩搖絃撫側徑夤緣豁然見天有石如堂度之五筵東西二門與石明昏奧者如室宣者如軒因其高下爰構亭榭匠生於心隨指如化開山翦木後以私屬結構暨芟子來嬉嬉無事而就邦人不知淑清之辰休澣之時雅步幅巾琴壺以隨前無俗人與白雲期年日盡適

結廬朱氏贈餘叢書

形神不羈元氣顛然觀吾朵頤遵渚之鴻有時而飛石門之下可以棲遲此谷而盈彼邱而夷維公之跡永永在斯

吏隱亭述

元和十五年再牧於連州作吏隱亭海陽湖壖入自外閒不知藏山歷級東望况非人寰前有四榭隔水相鮮疑靄蒼蒼深流布懸架險通蹊有梁如霓輕泳徐轉有舟如俞澄霞漾月若在天漢視彼廣輪千畝之半翠麗於是與世殊貫激明峭絕蘓靡蔥蒨景有宜昏且迭變疑昔神鼇負山而抃摧其別島置此高岸海陽之名自元先生先生元結有銘其碣元維假符子維左遷其

閒相距五十餘年封境服人其猶比肩天下山水無非
美好地偏人遠空樂魚鳥謝公開山涉月忘還豈曰無
娛伊險且艱溪山風物城池爲伍卻倚佛寺左聯仙府
勢拱臺殿光含廂廡窈如壺中別見天宇石壑不老水
流不腐不知何人爲今爲古堅焉終圯流焉終竭不知
何時再融再結

傳信方述

予爲連州四年江華守河東薛景晦以所著古今集驗
方十通爲贈其志在於拯物予故申之以書異日景晦
復寄聲相謝且咨所以補前方之闕醫拯道貴廣庸可
以學淺爲辭遂於篋中得已試者五十餘方用塞長者

結廬朱氏賸餘叢書

之問皆有所自故以傳信爲目云元和十三年六月八
日中山劉禹錫述

彭陽唱和集引

丞相彭陽公始由貢士以文章爲羽翼怒飛於冥冥及
貴爲元老以篇詠佐琴壺取適乎閒宴鏘然如朱絃玉
磬故名聞於世閒鄙人少時亦嘗以詞藝梯而航之中
途見險流落不試而胸中之氣伊鬱蜿蜒泄爲章句以
遣愁沮悽然如焦桐孤竹亦名聞於世閒雖窮達異趣
而音英同域故相遇甚歡其會面必杼懷其離居必寄
興重酬累贈體備今古好事者多傳布之今年公在并
州予守吳門相去迥遠而音徽如近且有書來抵曰三

劉外集九
川守白君編錄與吾子贈答緘縹囊以遺予白君爲詞以冠其前號曰劉白集悠悠思與所賦亦盈於巾箱蓋次第之以塞三川之請於是緝綴凡百有餘篇以彭陽唱和集爲目勒成兩軸爾後繼賦附於左方云太和七年二月五日中山劉禹錫述

彭陽唱和集後引

貞元中予爲御史彭陽公從事於太原以文章相往來有日矣無何予受譴南遷十餘年間公登用至宰相出爲衡州方獲會面輸寫蘊積相視泫然爾後或雜賦詩贈答編成兩軸太和五年予領吳郡公鎮太原常發函寓書必有章句絡繹於數千里內無曠旬時八年公爲

結廬朱氏贍餘叢書

吏部尙書予牧臨汝有詩歎七年之別署其後云集卷自此爲第三未幾予轉左馮公登左揆每恨近而不見形於詠言開成元年公鎮南梁予以太子賓客分司東都新韻繼至率云三軸成矣二年冬忽寄一章詞調悽切似有永訣之旨伸紙悽歎居數日果承訃書嗚呼聆風相悅者四十年會面交歡者十九年以詩見投凡七十九首勒成三卷以副平生之言

吳蜀集引

長慶四年予爲歷陽守今丞相趙郡李公時鎮南徐州每賦詩飛函相示且命同作爾後出處乖遠亦如鄰封凡酬唱始於江南而終於劔外故以吳蜀爲目云

汝洛集引

大和八年子自姑蘇轉臨汝樂天罷三川守復以賓客分司東都未幾有詔領馮翊辭不拜職授太子少傅分務以遂其高時予代居左馮明年子罷郡以賓客入洛日以章句交歡因而編之命爲汝洛集

子劉子自傳

子劉子名禹錫字夢得其先漢景帝賈夫人子勝封中山王諡曰靖子孫因封爲中山人也七代祖亮事北朝爲冀州刺史散騎常侍遇遷都洛陽爲北部都昌里人世爲儒而仕墳墓在洛陽北山其後也地陋不可依乃葬滎陽之檀山原田大王父已還一昭一穆如平生曾祖

結廬朱氏賸餘叢書

凱官至博州刺史祖鏗由洛陽主簿察視行馬外事歲滿轉殿中丞侍御史贈尚書祠部郎中父諱緒亦以儒學天寶末應進士遂及大亂舉族東遷以違患難因爲東諸侯所用後爲浙西從事本府就加鹽鐵副使遂轉殿中主務於埤橋其後罷歸浙右至揚州遇疾不諱小子承夙訓稟遺教眇然一身奉尊夫人不敢殞滅後忝朝登或領郡蒙恩澤先府君累贈至吏部尚書先太君盧氏由彭城縣太君贈至范陽郡太夫人初禹錫旣冠舉進士一幸而中試開歲又以文登吏部取士科授太子校書官司門曠得以請告奉溫清是時年少名浮於實士林榮之及丁先尚書憂迫禮不死因成痼疾旣免

喪相國揚州節度使杜公領徐泗素相知遂請爲掌書記捧檄入告太夫人曰吾不樂江淮閒汝宜謀之於始因白丞相以請曰諾居數月而罷徐泗而河路猶艱難遂改爲揚州掌書記涉二年而道無虞前約乃行調補京兆渭南主簿明年冬擢爲監察御史貞元二十一年春德宗新棄天下東宮卽位時有寒雋王叔文以善弈棊得通籍博望因閒隙得言及時事上大奇之如是者積久眾未知之至是起蘇州掾超拜起居舍人充翰林學士遂陰薦丞相杜公爲度支鹽鐵等使翊日叔文以本官及內職兼充副使未幾特遷戶部侍郎賜紫貴振一時愚前已爲杜丞相奏署崇陵使判官居月餘日至

結廬朱氏賸餘叢書

是改屯田員外郎判度支鹽鐵等按初叔文北海人自言猛之後有遠祖風唯東平呂溫隴西李景儉河東柳宗元以爲言然三子者皆與子厚善日夕遇言其能叔文實工言治道能以口辨移人旣得用自春至秋其所施爲人不以爲當非時上素被疾至是尤劇詔下內禪自爲太上皇後諡曰順宗東宮卽皇帝位是時太上久寢疾宰臣及用事者都不得召對宮掖事祕而建桓立順功歸貴臣於是叔文首貶渝州後命終死宰相貶崖州予出爲連州途至荆南又貶朗州司馬居九年詔徵復授連州歷夔和二郡又除主客郎中分司東都明年追入充集賢殿學士轉蘇州刺史賜金紫移汝州兼御

史中丞又遷同州充本州防禦長春宮使後被足疾改太子賓客分司東都又改祕書監分司一年加檢校禮部尚書兼太子賓客行年七十有一身病之日自為銘曰
不天不賤天之棋兮重屯累厄數之奇兮天與所長不使施兮人或加訕心無疵兮寢於北牖盡所期兮葬近大墓如生時兮魂無不之庸詎知兮

唐故監察御史贈尚書右僕射王公神道碑銘

公諱倭字真長其先葉黃帝夫聖人之後與庶姓不同如河出崑崙潛於厚地歛焉振起奮為自天非眾川也故自黃帝八代而生舜武王克殷求有媯之

結廬朱氏賸餘叢書

脩滿封於陳是為胡公十三葉生完自以公子國難不得立乃抱樂器奔齊桓公以卿禮接之下又十一葉和以久為政陰浹於人遂有齊國三代稱王至是為秦所滅項羽入秦封建孫安為濟北王漢興失國齊人謂之王家因以為氏安子涓仕漢為鎮東將軍青州牧封劇縣伯自涓至彤凡一十九代兩漢公卿牧守如家黠然十代祖猛字景略符秦尚書令佐秦成霸業與孔明佐蜀同功故時人謂之王葛史云北海劇人遂著為族望九代祖休儀曹尚書八代祖鎮惡佐命宋長安擒姚泓至北齊五代祖昕七兵尚書兄弟九人時號王氏九龍於齊史有傳高祖顓字君粹北齊著作郎燕郡太守曾

祖敬忠成州刺史大父上客高宗封嶽進士及第歷侍
御史主客兵部員外郎累遷兵右金吾衛將軍冀州刺
史靈州都督朔方道總管見職官儀及衣字烈考瞰宣
州宣城縣令贈工部郎中娶河東裴氏乃生僕射季睦
餘力工爲文始以崇文生應深謀祕策考入上第拜監
察御史天之賦子莫能兩大既揚令名而不以景福享
齡五十五葬於河南府偃師縣毫邑鄉後以子貴累贈
禮部尙書至右僕射夫人江夏李氏祔焉李門多奇材
父暄起居舍人暄子鄘門下侍郎平章事高叔祖善蘭
臺郎崇文館學士注文選行於時善子邕北海郡太守
有重名四方之士求爲碑誌者傾天下故夫人於盛宗

結廬朱氏賡餘叢書

禮範可法累贈至江夏郡夫人僕射有三子長子早終
次子處元少嬰沈恙慕道士養生之術高尚其趣強仕
而歿積善不試後來果大焉季子彥威字子美始以五
經登甲科歷太常博士祠部員外郎遷屯田郎中轉戶
部司封並充禮儀使判官弘文館學士京兆少尹諫議
大夫史館脩撰以直諫出爲河南少尹入爲少府監司
農卿改淄青節度使徵拜戶部侍郎判度支勢逼生患
出爲衛尉卿分司東都尋起爲陳許節度使檢校禮部
尙書充汴宋毫等州節度觀察處置等使北海縣開國
子食邑五百戶娶潁川韓氏主客員外郎衢之女國子
祭酒楊頊之外孫夫人有三弟皆材無子早謝已如禮

耐葬於亳邑原，僕射厚德覆露之，尚書丕承之以早孤。銳意嚮學，嘗閱詩至蓼莪篇，感激流涕。故其志如刃始淬，及學成立，朝爲鴻儒，入用爲能臣，參定儀制，財成經費。起書生，擁旌節，今又領全師，鎮上游，握神符，垂三組，皆嚮時感發之所激也。志就而學成名聞，而身達欲報無所，外榮中悲，人子之孝在乎揚其先德，以耀於遠。乃俾學古者，書本系所自，且銘於龜趺螭首。云銘曰：山積而高，澤積而長，聖人之後必大而昌。由聖與賢，或爲霸王，強建不克，嗣濟北疏疆。齊人德之，其族稱王，佐於符秦，北海重光，僕射之生，負材而起，策於萬乘，擢爲御史，同時條對，千目仰視，桂林一枝，拾芥相似，名動海內，夫豈

結廬朱氏贖餘叢書

不偉種德而芽，迺生令子，出入鼎貴，理財統師，流根之澤，密印纍纍，峻其追崇，幽顯有輝，孝嗣之孝，歉然弗怡。春露秋霜，感傷履之時，久能慕祿，豐益悲明，發不寐，永懷孝思，攄之無窮，曷若豐碑景毫之原，佳城在斯，乃刻金石，揭於道陲，松耶柏耶，有洛之湄，過者必下來觀，信詞。

劉賓客外集卷第九

劉賓客外集卷第十

墓誌祭文

故董府君墓誌

絕編生墓表

祭柳員外文

重祭柳員外文

代祭柳員外文

祭韓吏部文

祭李司空文

代祭李司空文

代祭王相國文

祭桂尚書文

祭楊庶子文

故荆南節度推官董府君墓誌

元和七年夏四月某日前荆州部從事董府君以疾終於故府私第年若干其孤泣書前人之爵里耿光求我

結廬未氏膾餘叢書

以銘於幽且先志也故重為之董姓出於豢龍氏至辛
 有而分在晉為良史在趙佐簡子為能臣項羽主盟為
 翟王高皇帝舉兵漢中劫其兵眾不克其土後裔遂為
 隴西人凡稱事不稱名不待事而彰也始予謫於武陵
 人多中之賢有董生為守令客既而以士相見之禮成
 與之言能言墳典數旁拮百氏之學弱年嗜屬詩工弈
 碁用是索合於貴遊多所慰■中年奉浮圖說三乘用
 是貢誠於清賢多被辟書脫巾為○弘文館校書郎再遷
 至大理評事咸視真秩而不纍其章職繫於外故也晚
 節尚道故投劾於幕府治扁舟浮江沲泛洞庭登熊耳
 訪浮邱以探異賦枉渚以寄傲居數歲投老於南荆迷

結一廬朱氏勝餘

邦縱性委和從化逮夫寢巨室也自含禭至於卜窆皆
 仁人之賻焉是歲五月十二日卜葬於龍山之某岡外
 姻至矣君名佺字庶中大父曰思簡位至汝南太守父
 承祖歿於試守太子舍人始為君求婦於鄭之里生嗣
 子夏卿既立而天今未之從其後又娶於閻氏生二子
 曰周卿雲卿發也總裳鬢首有正家之道嗚呼道愈富
 而室愈貧志甚脩而知甚寡士以隴西為貴將在令名
 與銘曰

學待問而文藻身藝不試兮名孰聞大道甚夷兮此我
 辰何生不茂兮非我春脩門之達兮連岡膺膺蔓草如
 兮新墳若斧吁嗟董生兮於焉終古

絕編生墓表

顧彖吳郡人食力於武陵沅水上以讀易聞病且死飭其子曰吾年十有五而授易於師積六十三年於茲未嘗一日不吟乎繫象里中兒從吾讀其文多矣死則必葬我於黨庠之側尙其有知且聞吾書君子曰若彖者可謂志篤於學矣因以絕編生諡之且表其墓後之讀功令者或采焉予旣謫居是邦始至之日問能道古語可與言者邑子以生爲對旣而執贄請見之生危冠大袂闊視雅拜及門知讓候肅而後入又肅而躋階心存聖賢潤徹眉睫有野態而無苟容問其所執曰幼學易老而尤嗜問安學曰始聞於師晚熟於心自尼父兼三

結廬朱氏墳餘叢書

才絀八索繫詞焉以通微言與伏羲文王並行猶天三辰同麗大極秦脫大患完文顯行漢之田丁京劉而東京有馬鄭魏之何荀兩王而吳有韋陸前者導源後者灑之風融混合百派奔湊唐興沙門一行方洩天機以探古人神交造物智斟人事制動也有柅變道也無方嚮之支流委輸於我其他絀繹祖述三十有餘家朱藍之樸斲之爲羽翼爲鼓吹疇咨天人之際旁魄上下驚精於攬摭匱巧於穿鑿猶制氏之於樂鏗鏘而已徐氏之於禮善容而已然而前脩之盡心也得以味腴瘳芳焉手胝於運管目矇於臨燭而氣耗於詠呻家居無貲不能與計偕地偏且遠無有能晤語者心愈苦而跡愈

卑寒膚慊腹以至於耄老微夫子之問持是安施乎他
日子造其室廬簞瓢在左十樽十在右有龜枵然有筴甚
澤予擬著指骨而訊之曰是疊疊者曾不予欺乎生攸
爾而對云古先聖人知道之妙不可搏而得也故設象
以致意梯梯有以取無取當其粗用當其精夫權衡所以
揣輕重不為捶鈞者設也尋尺所以商遠邇不為運斤
者設也龜筴所以決羣疑不為知幾者設也幾存乎人
是則以天時為卦體以地理為爻位外附人事以象焉
內取諸身以象焉本云內取諸身以象焉得樞於寰中迎數於象外自然之理
不知其然雖欲強名措說無地彼枯莖朽骸安能與於
此乎今夫揲之以至剝灼之以殆盡徒與夫蚩蚩者問

結廬朱氏贖餘叢書

歎穰占熊虺起訟需食亡羊喪牛之閒耳資其握粟以
糊予口烏足為夫子道哉予以斯言遂於易故書之噫
國有太學學有館以延專門若生者苦形役志如其
專也茹經於腹湮滅糞壤璧水湯湯不聞其聲摧藏摧
邀與山木同朽豈地遠然耶彼文甲絳毛剝筋壽革嶺
嶠之華實炎溟之蜃蝦飛苞驛篋所至而貴夫豈貴邇
也哉悅者眾故也生之死在元和七年秋七月由死之
日推而上求直治治生之辰得四百有七十甲子葬在征
渚西石磯上其墳可隱東望里塾尚行其志云

祭柳員外文

維元和十五年歲次庚子正月戊戌朔日孤子劉禹錫

衡哀扶力謹遣所使黃孟萇具清酌庶羞之奠敬祭於
亡友柳君之靈嗚呼子厚我有一言君其聞否惟君平
昔聰明絕人今雖化去夫豈無物意君所死乃質形耳
魂氣何託聽予哀詞嗚呼痛哉嗟予不天甫遭閔凶未
離所部三使來弔憂我哀痛諭以苦言情深禮至款密
重複期以中路更申願言途次衡陽云有柳使謂復前
約忽承訃書驚號大叫如得狂病良久問故百哀攻中
涕洟迸落魄魄震越伸紙窮竟得君遺書絕絃之音悽
愴徹骨初託遺嗣知其不孤末言歸轅從耐先城凡此
數事職在吾徒永言素交索居多遠鄂渚差近表臣分
深想其聞訃必勇於義已命所使持書徑行友道尙終

結廬宋氏贍餘叢書

當必加厚退之承命改牧宜陽亦馳一函俟於便道勒
石垂後屬於伊人安平宣英會有還使悉已如禮形於
其書嗚呼子厚此是何事朋友凋落從古所悲不圖此
言乃爲君發自君失意沈伏遠郡近遇國士方伸眉頭
亦見遺草恭辭舊府志氣相感必踰常倫顧予負釁營
奉萬里猶冀前路望君銘旌古之達人朋友製服今有
所厭其禮莫申朝晡臨後出就別次南望桂水哭我故
人孰云宿草此慟何極嗚呼子厚卿真死矣終我此生
無相見矣何人不達使君終否何人不老使君天死皇
天厚土胡甯忍此知悲無益奈恨無已子之不聞予心
不理含酸執筆輒復中止誓使周六同於已子魂兮來

思知我深旨嗚呼哀哉尙饗

重祭柳員外文

嗚呼自君之沒行已八月每一念至忽忽猶疑今以喪來使我臨哭安知世上真有一事既不可贖翻哀獨生嗚呼出人之才竟無施爲炯炯之氣戢於一木形與人等今既如斯識與人殊今復何託生有高名沒爲眾悲異服同志異音同歎唯我之哭非弔非傷來與君言不言成哭千哀萬恨寄以一聲唯識真者乃相知耳庶幾儻聞君儻聞乎嗚呼痛哉君有遺美其事多梗桂林舊府感激主持俾君內弟得以義勝平昔所念今則無違旅魂克歸崔生實主幼稚在側上故人撫之敦詩退之各

結廬朱氏贍餘叢書

展其分安平來賻禮成而歸其他赴告咸復於素一以誠告君儻聞乎嗚呼痛哉君爲己矣予爲苟生何以言別長號數聲冀乎異日展我哀誠嗚呼痛哉尙饗

爲鄂州李大夫人祭柳員外文

嗚呼至人以在生爲傳舍以軒冕爲儻來達於理者未嘗惑此昔予與君論之詳熟孔氏四科罕能相備惟公特立秀出幾於全器才之何豐運之何否大川未濟乃失巨艦長途始半而喪良驥縉紳之倫孰不墮淚昔者與君交臂相得一言一笑未始有極馳聲日下驚名天衢射策差池高科齊驅攜手書殿分曹藍曲心志諧同追歡相續或秋月銜觴或春日馳轂旬服載藉同并憲

廡察視之列斯焉接武君遷外郎子侍內闈出處雖閒
音塵不虧勢變時移遭罹多故中復賜環上京良遇曾
不逾月君又卽路遠持郡符柳江之壻居陋行道疲人
歌焉予來夏口忽復三年離索則久音貺屢傳篋盈草
隸架滿文篇鍾索繼美班揚差肩賈誼賦鵬屈原問天
自古有死奚論後先痛君未老美志莫宣遭迴世路奄
忽下泉嗚呼哀哉令妻早謝稚子四歲天喪斯文而君
永逝翩翩丹旒來自遐裔聞君旅櫬旣及岳陽寢門一
慟貫裂衷腸執紼禮乖出疆路阻故人奠觴莫克親舉
馳神假夢冀獲寤語平生密懷願君遺吐遺孤之才與
不才敢同己子之相許嗚呼哀哉尙饗

祭韓吏部文

結一廬朱氏賡餘叢書

高山無窮太華削成人文無窮夫子挺生典訓爲徒百
家抗行當時勅者皆出其下古人中求爲敵蓋寡貞元
之中帝鼓薰琴奕奕金馬文章如林君自幽谷升於高
岑鸞鳳一鳴蜩蟬革音手持文柄高視寰海權衡低昂
瞻我所在三十餘年聲名塞天公鼎侯碑志隧表阡一
字之價輦金如山權豪來侮人虎我鼠然諾洞開人金
我灰親親舊尙丹其壽考天人之學可與論道二者不
至至者其誰豈天與人好惡背馳昔遇夫子聰明勇奮
常操利刃開我混沌子長在筆予長在論持矛舉楯卒
不能困時惟子厚竄言其閒贊詞愉愉顏顏磅礴

上下義農以還會於有極服之言

逸數爭

岐山威鳳不復鳴華亭別鶴中夜驚畏簡書兮拘印綬
思臨慟兮志莫就生芻一束酒一杯故人故人歆此來

祭興元李司空文

維太和四年月日禮部郎中集賢殿直學士劉禹錫謹
以清酌之奠敬祭於故相國山南西道節度使贈司空
李公之靈嗚呼龜靈而刳龍智而屠古今同之天不可
呼公之挺生德與位并如瞻日月豈贊其明何以致之
始話平生追懷周旋彌四十年射策校文接武聯翩旬
服同邑明庭比肩公乘迅颿凌厲非煙愚觸駭機迸落
深泉一持化權一謫海壖本同末異如矢別弦雲龍井

結一廬朱氏廣餘叢書

蛙勢不相見二紀迴泊一朝會面公爲故相愚似悲翁
契闊相遇淒涼萬重復以郎吏交歡上公披襟道舊劇
談中酒清洛泛舟鑿龍攜手公西入關愚亦徵還削去
苛禮招邀清閒廣陌聯鑣高臺看山尋春適野醉舞花
閒忽復登壇總戎於外子午危棧巴梁古岸夷風僖備
穰俗惶害陰謀密備兇黨千輩如喉羣犬以逼騶虞如
縱炎火以焚瑾瑜時耶命耶不慮不圖物理神道安知
有無嗚呼痛哉玄天甚高上訴何時長夜無曉斯焉永
歸風淒日昏鼓咽簫悲沈埋玉樹誰不霑衣平生故人
零落已稀委化而盡然猶怨咨如何國楨有此遭罹挺
災賦命孰主張之有肴在筵有酒盈卮神其來歆已矣

長辭尙饗

代表相公祭李司空文

四年月日特進守司空兼門下侍郎平章事裴度謹以
清酌少牢之奠敬祭於故相國魏郡公之靈嗚呼玉貞
而折不能瓦合鸞鑠而萎不同雞羣生兮若浮守道不
屈惟公之生福自維嵩金石高韻珪璋德容元和之初
左右憲宗以才視草以望登庸振起直聲激揚清風實
有正氣號爲名公名成身退猶係人望入爲羽儀出領
藩方旣師百辟又副丞相道冠搢紳事參翼亮某與公
遊四十餘年風期合契祿位相先某忝司言公持化權
應同宮徵馥若蘭荃猥以姓名稱於上前發迹從微芳

結廬朱氏贍餘叢書

罔獲宣某爲免相待罪梁山公拜右揆來從東川極其
歡娛著在詩篇某忝三人公亦東還里門相邇賓閣常
閒退朝休澣道舊開顏嗟乎山川閒之忽在旦夕豈意
倉卒遂成今昔衣冠喪氣風物含戚強魂訴天冤血成
碧嗚呼哀哉某在病中訃書始至無力以哭不言垂淚
今聞祔輅首路而歸隱几臨風其心孔悲嘉肴百籩旨
酒一卮寄此情素神其來思嗚呼哀哉

代諸郎中祭王相國文

維太和四年月日某官等敬祭於故相國贈太尉太原
王公之靈嗚呼天以和氣鍾於貴人含光不曜煦物如
春發自貢士驟爲庭臣鴻雁聯行其凌青雲旣操利權

兼秉國鈞食祿甚厚奉身如貧井絡之隅益部爲大斗
牛之下揚州繁會受社臨戎油幢曲蓋印綬重疊恩華
滂霈簿領如山處之若閒摧筦之權往而復還炎炎暉
暉出入二紀未曾傷物屢有薦士急難友弟謹厚訓子
顏閒熙熙不形愠喜處已無咎得君如此若木方高商
颯欻起三台之氣變現在時五福之來盛衰有期曉下
黃閣車騎威遲夕歸華堂言笑嘻怡詰朝愀然有志求
醫未撤琴瑟俄懸素旂宸衷哀悼朝右悽悲詔下褒崇
恩殊等夷靈輜旣駕真宅將歸笳簫咽而復揚風日慘
而無輝玄亮等或早挹清塵或晚承汎愛昔脩禮於門
閩今纏悲於祖載幽顯雖異音徽未昧神之格思歆此

結廬朱氏贍餘叢書

誠酌尙饗

祭福建桂尙書文

維大和六年月日蘇州刺史劉禹錫謹以清酌之奠敬
祭於故福建團練使桂公之靈鴟化鵬征擘波沖天士
逢其時捨笈乘軒始識尙書貞元季年詣我南省袖文
一編便座接語其容温然星歲未幾鄙夫南遷滯留江
湘魚鳥周旋尙書遇知變化如蟬乘憲朝右剖符江壖
交趾化行容州續宣凡曰循吏莫居我先太和之初再
遂良覲分務東洛門里同陌予復郎位公爲賓客蔚然
貴臣綬紫鬚白俄俱西還列於清班來訪書殿登樓看
山見領八屯循街九關賀遷閩越紅旆雙股克有淑聲

搢紳之間，惇嫠鼓舞，強悍低跽，延平古津，峭壁孱顏，豈意龍劍沈晶，不還復魄，侯堂歸舟，建浦雙表，何在虎邱之下，恭承嘉命，來牧吾土，言念昔遊，忽成千古，哀哀孝嗣，率禮無違，言奉几席，歸乎洛師，敬陳奠筵，泣對靈帷，平生不忘，歆此一卮，嗚呼哀哉。

祭虢州楊庶子文

維太和六年月日，蘇州刺史劉禹錫，謹遣軍吏某乙，具少牢清酌之奠，敬祭於故虢州楊公之靈，嗚呼！利劍多缺，真玉喜折，俊人不壽，為氣所齧，子之少孤，率性自然，早有名字，結交世賢，席勢馳聲，龍秋鳴，試文再售，毛翮愈鮮，歷佐侯藩，拾遺君前，伏問論事，侵園內權，克揚

結廬朱氏贍餘叢書


直聲不愠，左遷一斥於外，君門邈然，五剖竹符，皆有聲績，南湘潛化，巴人啞啞，比陽布和，戰地盡闢，壽春武斷，姦吏奪魄，滎波砥平，士庶同適，朝典陟明，俾臨本州，錫以貴綬，腰金晝遊，輿疾而來，風煙為愁，靜治三載，臥分主憂，直氣潛銷，頽几不留，九天難問，萬化同休，嗚呼！惜哉！與君交歡，已過三紀，維私之愛，與眾無比，乃命長嗣，為君半子，誰無外姻，君實知己，昔與因遊，俱為壯年，怒人言命，笑人言天，閱事未多，信書太堅，方階尺木，已墜九泉，誦易年深，潛病難痊，不見南楚，方知北軒，嗚呼！嗟哉！見幾不早，追悔已晚，猶希耆老，容或宣展，以閒相期，以晦相勉，一邱可樂，萬累皆遣，翫圖散帙，婆娑京輦。

天命不長願言莫展嗚呼痛哉君臥宏農予來姑蘇飛
書要約言念鼎湖我車載脂爲子疾驅入境闐寂唯逢
素書發函驚視翰不自濡相去一舍豈無肩輿君爲病
嬰我爲吏拘兩不如意嗟哉命夫君今往矣無復可道
我今泛然一委玄造平生親友零落太早無望拔茅盡
悲宿草到郡浹辰君不起聞寢門一慟團哀如焚彭彭
輔車來葬洛濱敬脩賻禮泣送行人方丈萬夫之羞薦君明
魂三赤之版寫予哀文淒涼山河慘淡風雲已矣長別
嗟哉楊君

劉賓客外集卷第十

宋本十四卷

甲寅三月伯宛後寄視影此本乃以宋本校之二十日始記



結廬朱氏贖餘叢書

右劉賓客文集三十卷外集十卷 四庫著錄禹錫唐
書有傳官終於太子賓客分司故署曰賓客集又居中
山無極故又名中山集是集四十卷宋初佚其十卷宋
次道哀其遺詩四百七篇雜文二十二首爲外集然未
必皆十卷所遺也明萬曆二年刊雜文二十卷書十卷
名中山集黎民表序民表嘉靖末廣東參將爲古田僮所殺書亦罕見常
熟瞿氏藏宋刻殘本每半葉十二行行二十一字歸安
陸氏藏述古堂影宋鈔本每半葉十行每行二十字大
抵宋時有此兩刻此朱子涵舊藏明藍格鈔本十行行
二十字與陸氏書目合原出宋本無疑外集十卷世罕
流傳有以正集詩文僞充者甲辰冬在蘇州書賈以味

書室鈔外集亦十行行二十字求售鈔手極舊以重值
得之可爲子涵配全亦一快事集中爲人作集序皆作
集紀豈亦爲家諱如東坡之改序作敘耶外集有經東
都安國觀九仙公主舊院詩結語武皇曾駐驛親問主
人翁方蕉軒濬師以武皇爲武宗攷王建集亦有九仙
公主舊莊詩杜紫綸詔謂唐公主無九仙之名惟方伎
傳玄宗時有夜光者因九仙公主召見溫泉攷東都安
國觀爲太平公主宅武皇意指玄宗李義山詩武皇內
傳分明在亦指玄
宗九仙公主或卽太平公主之別號決非武宗之女也
文中用字新穎如連州刺史廳壁記不足庚其責庚作
償字用與禮記請庚之注合武陵北亭記是日還也還

結一廬朱氏贖餘叢書

作反字用與小雅爾還而入必易也之注合蘇州冊賀
皇太子箋以貞九圍用華陽國志平齊行魯人皆科帶
弓箭科作分派解外集可憐玉馬風流地用庾信詩還
如驅玉馬與金貂對他書作五馬誤惟卷二十五有與
歌者米嘉榮云唱得涼州意外聲舊人惟有米嘉榮近
來時世輕先輩好染頰須事後生外集卷八亦有一絕
云一別嘉榮三十載忽聞舊曲尙依然如今世俗輕前
輩好染髭鬚事少年與正集彷彿而韻不同昔人所謂
有未定之稿有通用之稿編輯時求益遂兩收之不得
謂之複近時畿輔叢書亦刊正集所據之本爲荃孫所
藏中山集似從明刻鈔出書首有錢竹汀印王氏又據

全唐文校改殊失古意不如此本遠矣光緒丙午元夕
江陰繆荃孫撰

